

**SIXTH LEGISLATIVE ASSEMBLY OF MIZORAM
(NINTH SESSION)**

LIST OF BUSINESS

**FOR FIRST SITTING ON TUESDAY, THE 13th DECEMBER, 2011
(Time 10:30 AM to 1:00 PM and 2:00 PM to 4:00 PM)**

OBITUARY

1. ***Pu LAL THANHAWLA***, Chief Minister to make obituary references on the demise of the following dignitaries :
 - (i) Pu C. Pahlira, former Member of Legislative Assembly
 - (ii) Pu F. Lalramliana, former Member of Legislative Assembly

QUESTIONS

2. ***Questions*** entered in separate list to be asked and oral answers given.

LAYING OF PAPERS

3. ***Pu S. HIATO***, Minister to lay on the Table of the House a copy each of the following.
 - i) 14th Annual Report of Mizoram Food and Allied Industries Corporations Ltd (1.4.2003-31.3.2004).
 - ii) 15th Annual Report of Mizoram Food and Allied Industries Corporations Ltd (1.4.2004-31.3.2005).
 - iii) 16th Annual Report of Mizoram Food and Allied Industries Corporations Ltd (1.4.2005-31.3.2006).
 - iv) 17th Annual Report of Mizoram Food and Allied Industries Corporations Ltd (1.4.2006-31.3.2007).
 - v) 18th Annual Report of Mizoram Food and Allied Industries Corporations Ltd (1.4.2007-31.3.2008).
 - vi) 19th Annual Report of Mizoram Food and Allied Industries Corporations Ltd (1.4.2008-31.3.2009).
 - vii) 20th Annual Report of Mizoram Food and Allied Industries Corporations Ltd (1.4.2009-31.3.2010).

4. **Pu LALRINLIANA SAILO**, Minister to lay on the table of the House a copy of “The Mizoram State Agricultural Produce Marketing (Development and Regulation) Rules, 2010”.
5. **Pu ZODINTLUANGA**, Minister to lay on the table of the House a copy of “The Mizoram Municipalities (Election to Local Councils) Rules, 2011”.

PRESENTATION OF REPORT

6. **Pu R. ROMAWIA**, Hon’ble Speaker to report to the House the time table as chalked out by the Business Advisory Committee for the current Session.

OFFICIAL RESOLUTION

7. **Pu LALRINLIANA SAILO**, to move an Official Resolution in the following form :

“Whereas Parliament had enacted the Transplantation of Human Organs Act, 1994 (No.42 of 1994) providing for the regulation of removal, storage and transplantation of human organs for therapeutic purposes and for the preventions of commercial dealing in human organs connected therewith or incidental thereto.

AND WHEREAS certain shortcomings in the operation of the law have been noticed which require amendments to the Transplantation of Human Act, 1994 (No. 42 of 1994).

AND WHEREAS the subject matter of such law is relatable to entry 6 of List II (State List) of the Seventh Schedule to the Constitution of India and Parliament has no power to make laws for the States with respect to the aforesaid matters except as provided in articles 249 and 250 of the Constitution of India to facilitate organ transplantation in genuine case and to provide for deterrent punishment for illegal and/ or commercial transactions in human organs.

AND WHEREAS it appears to this Legislative Assembly to be desirable that the aforesaid amendments in the Law should be made in the State of Mizoram by Parliament by law.

NOW, THEREFORE, in exercise of the powers conferred by clause (2) of article 252 of the Constitution of India, this House hereby resolves that the matters with respect to the amendments to the Transplantation of Human organs Act, 1994 should be regulated in the State of Mizoram by Parliament by law”.

LEGISLATIVE BUSINESS

Bills for introduction, consideration and passing

8. **Pu ZODINTLUANGA**, Minister to beg leave of the House to introduce “The Mizoram Street Vendors (Protection of Livelihood and Regulation of Street Vending) Bill, 2011”.

ALSO
to introduce the Bill
to move that the Bill be taken into consideration
to move that the Bill be passed.

9. **Pu P.C. LALTHANLIANA**, Minister to beg leave of the House to introduce “The Lushai Hills District (Village Councils) (Amendment) Bill, 2011”.

ALSO
to introduce the Bill
to move that the Bill be taken into consideration
to move that the Bill be passed.

NGURTHANZUALA
Secretary

.....

SPEAKER : “Thihna hlim kawr ruam zawh mah ila, thil thalo reng reng ka hlau lo vang; nang ka hnenah I awm si a; Sam 23:4”

Obituary kan lo hmang anga. Session hmasa leh tun inkarah kan Ex-MLA te pahnih Pu C. Pahlira leh Pu F. Lalramliana ten min lo thih sana. Tunah House Leader i lo sawm ang u.

Pu LAL THANHAWLA, HON'BLE CHIEF MINISTER : Pu Speaker, tukina helai kan member pui lo ni thin tawh te pahnih Pu C.Pahlira leh Pu F.Lalramliana te sun an ngaite hi a vanduai thlak hle a, anni hi an hunlai ve veah he House-ah hian ka lo thawhpui ve tawh te an ni a, a pawiin a vanduai thlak hle a ni.

A hmasain Pu C.Pahlira hi a chanchin tlangpui ka'n sawi hmasa anga. Pu C.Pahlira Ex-MLA hi ni 30 July,2011 zing lam dar 7:40 ah khan ril cancer avangin a boral a ni. Kum 87 a upa a ni. Pu C.Pahlira hi Pu Chaltea leh Pi Hrangvungi te fapa a ni a, an unau hi 13 niin, puitling thlenga dam chu 9 an ni. Ni 7 Jan,1924 khan sawrkar khaw din Hmuifang in 7 lek awmna khuaah a pianga, a pa hi kum 63 mi niin kum 1936 khan a boral a, a nu erawh chu kum 102 mi niin kum 1983 khan a boral thung. Kum 1954 khan Pi R. Sawithangi nen Shillong-ah Mawkhan Biakin-ah Rev. Welbourn Manner an Christian Marriage Act-in a inneih tir a, fapa 5 leh fanu 1 an nei a ni. Zirna lamah chuan 1941 Sikulpuiah lutin kum 1943 ah pawl 6 a zo a, kum 1944 ah Mizo High School hmasa berah a lut a, kum 1947 ah Matric a exam a, Matric a exam dawn kumin ruhsehpuai avangin a exam thei ta lo a, kum 1948 ah Govt. High School Shillong atangin Matric tha takin a zo a, a chakna ber Assam Agriculture College-ah harsa chung chungin a lut a, kum 2 a zir hman tih in hrisel lohnain a tihbuai avangin zirna lam chu a tawpsan ta a ni. Zirna a bansan hnu hian Pasighat Agriculture farm-ah Asst.Manager hna a thawk , reiloteah Agriculture Inspector-ah a kaisang a, Arunachal Pradesh-ah an sawn a, chutihlai chuan North Eastern Development Agency tih ala ni a. Kum 1954 October-ah Agriculture Inspector a thawhna chu bansanin Mizoramah alo haw ta a ni. Pu C.Pahlira hi Mizorama alo haw hian politics-ah a zuanglut nghala, theihtawpa Mizoram tana thawh tumin Mizo Union-ah a lut a, kum 1956 – 1971 chhung hian Mizo Union Party-ah Asst. Secretary hna a chelh a, he hna a chelh chung hian nitin chanchinbu Mizo Arsi a tichhuak baw a ni, Editor-ah a tang tihna a nih chu. Kum 1957 Mizo District Council inthlan khan MDC atan Circle –III (A) constituency Ratu bial atangin thlan tlin a ni a. Kum 1958 ah Mizo District Council Vice- Chairman ah thlan a ni. Kum 1962 khan a bial Circle – III (A) atang bawkin thlan tlin a ni leh a, kum 1958–1964 chhung hian Mizo District Council Vice- Chairman hna a vuan leh a, kum 1964–1970 chhungin Executive Member-ah dah a ni. Pu C. Pahlira hi kum 1982 Mizoram Legislative Assembly Bye-Election-ah khan Sateek Constituency atangin MLA a thlan tlin a ni a, Pu C. Pahlira khan a phaktawh chinah chuan Zoram chhan kha a ti na hle thin a ni. Hnamdang sumdawng ten, Mizoramah sumdawwna permit an dil pawhin, ‘Thangtharten sumdawn an la rawn duh ve anga, in la hnaw ang. Tuna awm mekte pawh hi an hnaw ru viau tawh a ni, ka kuta thil tih theihna a awmchung chuan dil duh lo mai rawh u, ka pek che u hi a rem lo e,’ tiin a chhang mai thin a. Tul leh tha a hriat chu ti nghal zel mai, thu thup leh zep tit tet neilo, viak tha em em, zaidam lawi si a ni.

Pu C.Pahlira hi kum 2010 February laihawl vel khan santen avangin Vaivenga Hospital & Research Centre-ah kalpui a ni a. Chutah chuan a lung a thalo tih an lo hmu chhuak a, Kolkatta-ah kalpui a ni a, lungdawt thatloh avangin zaipui a ngai tih an lo

hmuchhuak leh a, mahse amah a that vak loh avang leh upa lam a nih tawh avangin damdawi hmanga enkawl a ni a. Zaipui han tawh kha ngam awmlolah an ngai a ni. Kolkatta ah hian in check-up turin vawi engemaw zat a kalpui nghe nghe a ni. Ni 8th July,2011 khan gout natna, keruh natna avangin a che hleitheilova chuta tang chuan a pum puar a sawia, chaw a ei theilo a, 15th July,2011, tlaiah Vaivenga Hospital & Research Centre-ah luhpui a ni leh a, heta ang hian ni 15th July,2011 ah Aizawl Civil Hospital-ah sawn luh a ni a. A nat chhung hian thisen pawh Unit 11 zet pek a ni a, hetah hian natna dangin a belh chhah zela a hun tawp lamah chuan a natna ber, ril cancer a ni tih hmuhchhuah a ni leh a, ni 30th July,2011 zing lam dar 7: 40 ah a hun tawp alo thleng ta a ni. Pu C. Pahlira hi Mizo paah chuan a lar pawl tak a ni, politician zingah pawh pa tumruh, pa taima a ni a, kut hnathawh pawh a hunah chuan hreh miah lo, a tul anga thawk mai thin mi a ni. Tin, ruahsur leh khawchhe satliah hian a hnathawh hi a dang ngailo a, ka mit ngeiin ka hmu tawh thin a, pa tumruh, pa tum tlang tak a ni chungin ka sawi tawh ang khan zaidam angreng tak a ni lawi a. Tin, a awmna Party Mizo Union ah a rinawm mai chauh niloin a tangkai berte zinga mi a ni a. District Council pawh a khalh kaltu berte zinga mi a ni. Tin, mi hmahlir zau leh hmahlir thiam a ni a. Vawiin thlenga kan hriat rengna thenkhatte chu Aizawl khawpuiah pawh C.P Road tih te a ni. Khang hunlai kha chuan mi tamtakin thil athlak a ngaih a ni a, mahsela a niin a thlir thui avang hian tiang hian vawiin thlengin a hming hi alan phah a ni. Chutiang mi chu vawiinah hian kan lo sun ta a, pawl kan tiin Mizoram tan channa rapthlak tak a ni.

Tin, Pu Speaker, Pu F.Lalramliana, MLA Mizoram pawh hi tun hunah hian a sunna neihve a ngai a. 3rd Nov, 2011, 11:22 Am khan cancer natna avangin a chenna hmun Lawngtlai ah a borala, kum 69 aupa a ni. Pu Lalramliana hi Pu F. Sangluaia Ex-Chairman, Pawi Lakher Regional Council leh Pi Vawmawithangi fate 10 zinga a upa ber dawttu a ni a, ni 16th Feb, 1942 khan Mampui khua, Chhimituipui District-ah a piang a, 6th Jan, 1977ah Pi Thanhiri nen inneiin fapa 2 leh fanu 1 an nei a. A fate hian tunah chuan sawrkar hna an vuan vek a ni. Zirna lamah chuan a pianna khua Mampui atangin Primary a zo a, Serkawn Middle School-ah Middle School a zo leh a, kum 1961 ah Mawkhan Christian High School, Shillong atangin, University of Guwahati hnuaiyah Matric a zo , kum 1962 ah St.Edmunds College, Shillong atangin PUC a zo a. Ni 21st Dec,1962 ah Assam Regiment-ah a lut a, sipai a tan lai hian St. Anthony`s College Shillong atangin B.A a pass. Sipaiah kum 9 thla 8 leh ni 12 a tan hnuin 12th July 1972 ah sipai atangin a bang ta a ni. Pu F.Lalramliana hi kum 1972 ah Govt. Region High School-ah zirtirtu hna a thawk a. Zirtirtu hna a thawh lai hian khawtlang rawngbawlnaah inhmangin Lawngtlai Bazar veng a YMA dintute zinga mi a ni a, President hmasa bera thlan a ni. A boral ni thlengin Lawngtlai Dist. Ex-Servicemen Association-ah Advisor a ni bawk. Kum 9 zet zirtirtu hna a thawh hnuin, kum 1982 ah politics ah a zuang lut a, Lawngtlai – III Constituency atangin hemi kum hian MDC Lai Autonomous Dist. Council tan Independent Candidate a dingin thlan tlin a ni. Executive Member-ah dah a ni a, Education Department a enkawl a. Pu F.Lalramliana hi Congress Party-ah lutin Pawi Dist. Council Congress Party-ah Executive Member a ni a. Kum 1984 Mizoram MLA general election-ah congress party candidate niin Saiha Constituency atangin thlan tlin a ni a. Kum 1987 ah Mizoram State MLA general election hmasa berah Congress Party ticket-in thlan tlin a ni leh bawk. MLA a nih chhung hian ram tan a theih ang tawkin hna a thawk a, kum 1985 ah Mizoram Pradesh Congress Assembly-ah, ‘Mizo Lalte hnenah ram compensation hi pek ni rawh se’ tih a pulut a. He Resolution hi Pass a ni nghe nghe a ni. Mizoram State Assembly Session-ah private resolution a put luh langsar zualte chu hengte hi an ni - “ Chhimituipui lui Darzo kaiah motor lian kai theihna Lei dawh nise,” tih a ni a, 2nd Session a 4th Mizoram Legislative Assembly, 6/10/1984 atanga 19/10/1984 ni ah khan he Resolution hi a pulut a.

Adang leh chu Aizawl to Lunglei via Thenzawl kawng siam that nise, 20th March, 1987 ah he Resolution hi Mizoram Legislative Assembly-a private resolution putluh hmasa ber a ni a, Aizawl to Lunglei via Thenzawl kawng chungchanga resolution thehluh hmasa ber a ni bawk a, mahse a tlang zo ta lo a ni. Pu F.Lalramliana hi kohhran rawngbawlnaah pawh theihtawpa inhmang thin a ni a, Lawngtlai Baptist church of Mizoram Bazar-ah kum 1983 ah rawngbawltu atan lak a ni a, a thih ni thleng hian he rawngbawl hna hi a chelh a ni. Kum 1982 – 1985 leh 2001 atangin a boral ni thlengin Sunday School zirtirtu a ni a, tual chung Mission Committee Vice – Chairman, Music Committee leh Bial Sunday School ah Committee Member a ni a, Gideon International Chaplain niin Bible semte hi nuam a tih zawng tak a ni. Non – Mizo Fellowship Lawngtlaiah senior adviser a ni bawk.

Pu F.Lalramliana hi kumin 2011 March thla atangin taksa chaklohnain a tlakbuaka, 12th July 2011 ah inentir turin Aizawlah alo kal a, investigation tiin thin cancer a ni tih hmuh chhuah a ni. 13th July, 2011 ah Guwahati panpui a ni a, 22nd July, 2011 ah Aizawl-ah enkawl tura chhohpui a ni a, Chemotherapy cycle 4 lain chawlh kar 6 hnuah chemotherapy la leh tura tih a ni a, 3rd Sept., 2011 ah Lawngtlaiah hawpui a ni a, taksa chaklohnain a tlakbuak chho zela, 3rd Nov, 2011, ningani zing lam dar 11:22 khan min lo boral san ta a ni. Pu F.Lalramliana hian a nupui Pi Thanhliri leh a fate 3 a kalsan a ni.

Pu Speaker, heng kan hotute pahnih helaiiah member zahawmtak lo ni tawhte chanchin hi kan hre tlangpui vek a, Pu Lalramliana pawh hi mi taima anih bakah pa kawm nuam, fiamthu thianghlim duhtak mi a ni a, hetiang ram leh hnam tana mi tangkai, mi ropui sulhnu nei takte kan lo then ta hi a vanduaithlak takzet a, he House tan lungchhiatthlak lehlamah ram leh hnam tan vanduaia rapthlak tak a ni. Hemi kan hotute Pu C. Pahlira leh Pu F. Lalramliana te chungkhath laina, tu leh fa, nupui fanau te zawng zawng hi kan tuarpui takzetin kan sunpui tak zet a. Pathianin an chhungkaw hnih hian thlamuanin awmpui zel turin kan duhsak a ni.

SPEAKER : Sawi tur nei kan awm ngeiin a lang a, Pu Lalduhoma pawn a phar tawh a, kan ko dawn anga, amaherawh chu hei hianin question hour a ei zel a ni tih kha hria ilangin, Pu Lalduhoma, a dawtah chuan Pu Thangtea, ti khan duhtawk thei mai ilangin a tha ang a.

Pu LALDUHOMA : Pu Speaker, Pu C. Pahlira chungchangah hian sawi tur a tam khawp mai a, kan chhinchhiah atana ka duh chu an hun laia sawrkar hna a chelh kha hna lian tham a tling a, khatih laia Mizo sawrkar hnathawktu liante zinga mi a tlingphak ve a ni a. Chu chu ram leh hnam avangin a bansan a, mipui rawngbawl turin a chawthleng a leih bua a ni tih kha vawiinah hian amah hriatreng nan ka sawi lang duh a. Tin, mimal pianphungah mi tlukloh rim kai a ni hrim hrim a, taimakna kawngahte, huaisenna kawngahte, diknaah te, hrehawm tawrh peihah te sawi tur tam tak a awm a ni. Ramhnuaiiah leh tualchungah a bula kal chu mi naran tan harsa tham a ni. Hrehawm hi hreawm a ti ve lova, tin, ama thiltih sawiseltute reng reng hi an tapchhak zawlah a pan a, a sawipui a, a hmin thei deuh zel a, ralkhatah a tawp ve mai ngai lo a ni. Mawhphurhna lian a chelh chhung zawng zawng hian dik ni a a hriat hi a tawp thlengin a nunpui a. Corruption kan tih ang lakah hian a fihlim a, tar upa tawh lam anih thlengin ram hi a vei em em a. A thih dawn hnaiha a thil ziak kan ram tana pawimawh a tih a hnutchhiah chu

Mizoram hi khaw sawmhnih velah hian insawikhawm ila, a tha ang tih hi a ni a. Chu chu ala ziaak ve ngat ngat reng a ni.

Tin, ZNP ah hian kan adviser a ni a. Hun rei tak active politic, party a awmna bik neilo a a awm hnuin a tawp lamah a rawn tel ve leh a. Pu C.Pahlira te ang mi taima leh dik, huaisen te angin telna tlaka a ngaih kan han ni ve te kha kan chhuang hle a ni. City road chungchangte leh thildang tam tak a sulhnu kan hmu a sawinawn a ngai lovang a. Thil pakhat a sulhnu kan sawilar loh deuh han sawilan ka duh chu, tuna Aizawla New Market kan tih saw hmanlai chuan Assam Rifle sakawrupu lane tih a ni thin a, Assam Rifle ta a ni. Saw saw Aizawl khawpuiin Market atan kan mamawh nia a hriat avangin theihtawpin a nawr a, a tawpah chuan a nawr chhuak ta a. Tisawn Aizawlin Bazar hmun tha tak kan lo nei ta a ni. Hei hi Pu C.Pahlira thawhrah liau liau a ni a. Chuvangin kan ram hruaitu pawimawhte zing ami a ni a. Amah ang hruaitu kal tawh te hming chawiin eng eng emaw kan ti hi a ropui a, New Market hi CP Market ti a vuah ve niseng tih hi kan duh hle a, thuneitute hnenah pawh kan thlen tawh a, ka'n sawilang leh duh a ni. A tawp nana ka'n sawi duh chu a ruang chungka ka sawi tawh hnu tho a ni a. Hmana Lushai Hills Battalion a awm lai a, a commandant lo ni thin Col. Locka kha London-ah a thih hnu khan tuna Assam Rifles Gate bul Bung hnuaiyah sawn a thlanlung an phun a. Chutah chuan Latin tawngin an ziaak a, saptawnga a awmzia chu- 'If you want to see his memoirs look around' tih a ni a. Mizo tawng chuan ' A hriatrengna thilte i hmuh duh chuan hawi vel rawh' tih na a ni. Chu thu hmang chuan Pu C.Pahlira hi ka lo thlah liam tawh a. Vawiinah hian sulhnu ngah tak a nih avangin Pu Pahlira hriatreng kan duh anih chuan hawi vel ila a hmuh theih a ni tih hi ka tarlang duh a. A kalsan tak a chhungkua te Pathianin thlamuanin awmpui zel se tih duhsakna ka'n hlan bawka a ni.

Tin, Pu F. Ramliana hi pa taima tak mai, rorum tak mai a ni a. Vawikhat chu a bial kan fang dun a, Fur lai a ni a, zana kan chhuak a, khawthim hnuaiyah. Chutih lai chuanin Lawngtlai khua saw a diak em em a ni. A thawk lawk a, a pheikhawk a phelh a, a khai a. A khup thlengin a dai ta bawrh bawrh mai a. Chirh leh bawnggek te kha a kai a, a pawisa miah lo mai a. Chutiang mi chu a ni a, chutiang mi chu mimal eizawna kawngah te, khawtlang rawngbawlnaah te, chhungkaw enkawl kawngah te, ram rawngbawlnaah te tlukloh rim nam an ni fo thin a. Chutiang quality ropui tak nei kan chan hi, channa ropui tak a ni a. Ani pawh a chhungkua, laina te Pathianin thlamuanin awmpui chhonzawm zel se tih kan duhsak bawka a ni e. Ka lawm e.

SPEAKER : Dr. R. Lalthangliana i lo sawm ang.

Dr. R. LALTHANGLIANA : Pu Speaker, ka lawm e. Vawiinah kan ram rorelna hmun pawimawh tak maia kan thawhpuite pahnih, Mizoramah pawh kan hriat lar em em Pu C. Pahlira leh Pu F. Lalramliana te sunna kan han nei hi a lungchhiatthlak hlein ka hria a. Pu C. Pahlira hi a vui ni khan Aizawl khawpuiia kan awm lai anih chuan kan tel deuh vekin ka ring a. A chanchin kan ngaithla hnem a. Zing atangin thusawi kha chhum lo chat lo khan an awmin ka hria a. Ka rilruah thil pahnih khat han sawi rik loh theih loh awmin ka hria a. Pakhatnaah chuan kan ram hruaitute zingah chuan chanchin ziah tur hi chu an awm nualin ka ring a. Amaherawhchu, kan chanchin ziahnaah hian thil chhinchhiah tlak a taka vawiin thleng pawha min hnutchhiah ang chi ram hruaitu hi a tam loh theih mai awm mang e aw! ka ti a. Chutih kawngah chuan Pu C. Pahlira hi a entawn tlak hle-in ka hria a. Kan ngaihtlak

ang khan Aizawl khawpui chauh ni lo Serchhip a ni emaw, Lunglei, Champhai heng district headquarters kan han tih chi ang zawng zawngah hian a sulhnu hi a awmkim deuh vek tlat mai a. Hei hi mi pakhat tan chuan thil harsa tak anih zia leh kan khawpui a cheimawi zia kan hriain ka ring a, vawiin thleng hian awm talo se chuan kan Aizawl khawpui leh kan District Headquarter khawpui tam tak hi hetiang ngawt hi chuan plan mumal a awm thei awmlo mangle tih tur a ni a. Kha kha a ropui khawpin ka hria a. Chuvangchuan, khatih hunlaia Aizawl khawpui awmdan turte kha ngaihtuah ta ila vawiinah chuan nangni pawn in hmu tlang vek a, khang hunah chuanin ramngaw kan han tih ang chi te pawh veng mawng tak tak te chu ala nih vek ka ring a. Khatih hunlaia vision fel tak nei a, heng khawpui a ruahmanna ngaihtuahna a seng hi a ropuiin ka hria a, chu chu ka'n sawi duh hrim hrim a.

Tin, a tumruhna hi a chanchin vui ni khan an sawi a, ziak khan a awm bawkin ka hria a. Matric exam turin Shillong-ah a chhuk thla a, chuan Hospital-ah admit a ni a, tahchuan exam tumin Headmaster Pu DD-a? kha a luhchilh a, a room atang khan a chhuak duh lova, tih kha a awm a. Headmaster khan chhuak mai rawh i exam thei tawh lo atih pawh khan a tang tlat mai a, chhuak duh reng renglo khan a thu lui tlat mai a, a tawpah chuan tihngaihna kha a hre lova Headmaster khan exam a phalsak ta a ni tih leh a pass tak thute kha kan hmu a. Khatiang ang tak maia tumruh anihna kha a ropui ve hlein ka hria a. Thil hote in lang mah sela, kha khan a rilru ngaihtuahna kalhmang tur thui tak a sawi theiin ka hria a, ka sawi duh a ni.

Chuan, a chanchin kan sawinaah hian Aizawl khawpui an plan lai vel tak tak khan zing khawvar hma hian a thawkehhuak a, thim thamah torchlight nen a bei ngat ngat mai kha a nia. Khata engatinge ni thimlai pawha i chet an tih khan, "enlai chuan min tibuaitu an tam lutuk a, chuvangchuan miin min tihbuai hma hian heng zawng zawngah hian survey hnathawh a, beih a ngai a, chuvangchuan zing khawvar hma atangin ka thawk tan a ni", tih kha a sawi a, a hrat khawkheng hlein ka hria a, a entawntlak hlein ka hria a, kha kha ka rilru a khawih riau mai a, ka'n tarlang duh a ni.

Tin, midang tan hianin a in uilo a ni tih kha a chanchin sawi ni khan ka ngaihthla a, ama Compound-ah ngei tuna a awmna inah sawlai hmunah sawn ram, public tan, mipui tan a sahthlak a, chumi avang chuan vawiinah pawh kawng zau tak kan neih phah a ni tih kha a ropui khawpin ka hria. Ram tha lai mahni ta ngei public tan an sat thla kha a ropui hlein ka hria. Chuan kan ngaihthlak tawh ang khan hnam rilru pu mi nationalism kengkawhtu dik tak anihna hi a ropui hlein ka hria a, hei hi kan chhinchhiah ka duh hle a ni.

A tawp berah chuan engatinge ni chawimawina award kan tih Padma Shree kan tih angte hi a dawn ve loh aw tih hi Pu Speaker, ka rilruah a lian khawp mai a, tunlai hian an la ti thoin ka hria a, anmahni an awm tawh loh hnua Padma Award angte hi dawn tir theih dante hi a awm em tihte hi ka rilruah a lian khawp mai a, engtinge Sorkar lampang atangte pawhin recommend tur chi nge ni, a thih thleng pawh hian vawiinah hian Pu C. Pahlira chungchang bikah hi chuanin ngaihtuahna hi hmang thei ilang chuan a tha hle dawnin ka hria a ni.

Kan Member zahawmtak lo ni thin tawh Pu F. Lalramliana, Ex-MLA hi a chanchin hi ka hre thui lutuk lova, amaherawhchu, Lawngtlaiah tunhma kan kal thin laitein han inkawm satliah zeuh zeuh te chu kan nei thin a. Nichina kan

ngaihthlak ang khan kan ram hruaitu zingah hianin pa kawm nuam, pa rilru tluang, ram vei a ni tih hi a lang chiang hlein ka hria a. A bik takin chhim lampang chuan hruaitu ena kan lo en, hruaitu hmasa ena kan lo en a ni a, Independence te pawhin MDC-ah a tling a ni tihte a chanchin ziakah kan hmu a. Tin, Politician zingah hian kawng tam takah politics-ah rawngbawlna an neih laia kawng tam tak thil dangah inhnawh a inhmang, chutah pawh inpe zo tak nih hi thil har tak a ni. Hemi kawngah hian a bik takin a ni nunah hian hmuh tur chhinchhiah tlak ropui tak mai awm thinin ka hria a. Chuvangchuan, vawinah hian mi pahnih kan ram hruaitute kan han chan hi channa ropui tak niin ka hria a, an kalsan tak an nupuite an fate Pathianin thlamuanin awmpui zel se tih hi ka'n duhsakna a ni tih hi ka tarlang a ni. Ka lawm e.

S P E A K E R : Phar pathum (3) in awm a, Pu C. Ramhluna hi Rama te nena Lawngtlai lam chhuak an ni a, a chanchin a hre hlein ka ring a.

Tin, Pu Liantlinga hi Pu C. Pahlira te nena veng khat ang mai an ni a, Pu C. Pahlira chanchin tam tak a hriat ka ring a. Pu Chatea te pawhin sawi duh dawn sela 1982 a Sateek bialah khan P.C. te leh Union te thawk hova Pu Pahlira kha MLA tling a ni a, sawi tur an nei thovin ka ring a.

Tin, Pu Zothangliana hi Pu Ramliana, tuna a lu nghahna bialtu MLA a ni a, sawi tur a nei teuh bawkin ka ring a. Tin, chutiang bawk chuan midang dang pawh politic-ah hi chuan kan thawhhopuite hi an ni deuh vek a, an lo thawk rei tawh bawk a, sawi duh kan ngah hlein ka ring a. Mahse an pahnih chanchin kher kha sawi kawp tum lo ila. Ka han sawi ang khan an bial chhunga mi an lo ni emaw, khang ang te leh pian leh murna hmunkhat nihna lam zawkah khan a mi a te kha confine thei hlauh ila a thain ka ring a. Pu Liantlinga ka sawm ang, reilote sawi turin.

Pu K. LIANTLINGA : Pu Speaker, ka lawm e. sawi ang khan Pu C. Pahlira hi Party-a kan thawhpui kan senior adviser anih bakah keima mimal takah pawh hianin thurawn tam tak min petu leh inkawm nasa thin kan ni a. Tuna a sunna chungchangah hianin sawi lo thei lo niin ka inhria a, min han khap deuh mahse sawi talh duhna kha ka nei a, a lawmawm ka ti a hun min pe a, hun rei tak chu ka la lovang a. Tin, kha a chanchin tlangpui leh pawimawh zualte chu sawi a ni vek tawh a, sawi nawn pawh ngailo niin ka hria a.

Ani hi kan bial chhung mai bakah Mizoram pumin politician ropui tak kan chan anih avang hian a uiawmin a sunna huna han din loh hi chu ka hreh em em a ni.

Tin, a tawngkam, politics a khelhnaah hianin pa tumruh leh thildang tam tak hma sut hreh lo a ni tih kan hria a. Thil pahnih khat a sawi, an rama kuthnathawktute chungchang thu kum 1986 vel daiha a sawi kha ka rilruah hian a thi thei lova. Tunah pawh ZNP-ten policy-a kan neih chhoh te pawh a ni a. Kuthnathawktute thlai thar leh heng ang zawng zawng hi man man thama dinchhuahna khawpa tan lak a tum thu, “ kan lei vek ang a, kan hralh thei lo a nih pawhin Tlawng luih kan paih mai ang” ti khawpa rilru khauh a ni a.

Tin, hemi kan ram hmasawna tur atana a lo ngaihtuahnaah pawh hian, “hnathawh loh chuan thil reng reng hi a taka keimahni thawhchhuah a nih loh chuan hlutna a awm lo,” tia sawi thin a ni a. Tin, pawimawh ber mai nia ka hriat chu, “Piang nawn leh ilang chuan ka fate hi kum 10 atanga 15 an nih atangin ka ring ang a, a kul ataiha ka hmang ang. A chhan chu kan kutah thil tam tak a awm thin a, kan fate kuta thil kan lo dah tam lo hi a pawh a ni. Chutiang ang chuan tunah pawh hian kan ramah pawh hian thalai zawkten exposure nei tha tak takte leh hawi zau ten kan ram hi kaihrui sela kan ram dinhmun pawh hi a changkang ang tih hi nghet taka vawn a tul a ni.” a ti a. Khang ang chi thil quotation tam tak a nei a wawih chuan kan sawi vek seng lovang a, chungte chu ka’n tarlan duh chu a ni mai a. Amah uina thu hrim hrima wawihna hun ka nei thei hi ka lawm a. Tin, a chhung leh khatte Pathianin a awmpui ang a, chu chu kan uina thu kan sawi ni se la, Pu Speaker, ka lawm e.

SPEAKER : Pu C. Ramhluna

Pu C. RAMHLUNA : Pu Speaker, ka lawm e. Tukin zinga kan tih takah chuan Pu F. Lalramliana chauh ni lovin Pu C. Pahlira chungchang thu hi (Speaker : Pu F. Lalramliana-ah khan in confine hram rawh, khawngaih takin, Chair atangin ka ngen a che.)

Pu Pahlira chungchang thuah khan Pu Speaker, tlemte chauh ka’n sawi teh ang.

(Speaker : A nih chuan Pu Ramliana lam kha sawi kai lo mai rawh.)

A nih chuan Pu Ramliana lamah hian kan in confine mai a ni ang chu. Pu Speaker, Pu F. Lalramliana, tunhmaa he House zahawmtaka Member lo ni thin, tukin zingah hian a vuina thu, a thlahna thu kan sawi ta mai hi hrehawm hlein ka hria a. Mampui khaw lal, Lal Sakeia tupa a ni a. A nu hi Vawmawithangi a ni a. Mampui lal, tlang nuam taka lal an ni a. A lo pian hiana Pu Lalsakeia leh a Pi Zothangliani kha an lawm hle a. A hmingah pawh hian a tirah chuan Chhimkhara an ti a. Chhimah hian kan Lal alawm, Chhim kan awp alawm an ti a. Mahse he hming hi Pu Sakeia tu leh fate khanin a mawi lo deuhve an tih avangin F. Lalramliana ti khan an thlak ta kha a ni a. Unau 10 an pianga, wawihna ka han sawi duh pakhat chu a unau pakhat phei chu Pastor niin Baptist Kohhranah tunah hian Missionary-in a awm a. Gauwahati-ah regional Director, Baptist Mission-ah a awm a ni tih kha ka sawi duh a. Tin, a nuna thil mak tak chu, amah pawhin a sawi thina, hei, sipaiah khan kum kua leh tih a tanga, tin, zirtirtuah hian kum kua leh tih hi a tang bawk a. Tin, politic-ah hian kum kua leh tih hi a tang bawk a, amahin a sawi thin danin ‘kei leh ka nun hi chuanin pakua hi a inzawm tlat a ni e’ tiin a sawi thin e, an ti a, chu chu a dinhmun a ni. Tin, sipaia a tan lai khan Pathian a ring em em maia, operation-ah khan a awm thin a, chumi a awmlai pawh chuan Pathian hnenah a inhlan reng thin a.

Tin, Medal pawh hi pathum lai Sanya Sena Medal tih te, Kansar Medal tih te leh Ninth Long Years Service Medal tih te a dawng a ni tih kha tukin zingah hian ka’n sawi duh bawk a ni. A pa khanin kum 1972 October ni 25-ah khan alo thih san takah khan pa ber nihna dinhmunah a ding a. Nupui pawh hi kum 37 mi niin a nei a, a chhan chu nupui kha a neih hma chuan a u leh naute khan lehkha an zir thei lovang tih a hlauh avangin ti khan a

chawm hlawm a ni a. A nupui han neih pawh hi a paina a thihsan hmaa, a nupui atana alo thlan sak kha a nei a ni tih kha tukin zingah hian ka sawi duh a ni.

Tin, a miziaah chuan Pu Ramliana hi Lal fapa a ni chungin pa fel leh pa nunnem, pa inggaitlawm, pa fing leh mi huatthu sawi ngai lo mi a ni a. Tawngkam huatthlala leh miten an hriatthiam loh tur thil leh an ngaihtheih loh tur thil sawi ngai lo mi a ni a. A naupan lai pawhin naupang dangte pawhin a ni hi chu Lal fa a ni a, a sual ve lovang an tih thin zinga mi kha a ni a. Pathian tih mi a ni a, kan sawi tak ang khan indona a awm lai pawha Pathian hnena inhlan thin mi kha a ni a. Mi itsik ngai lo, an thatna tura theih ang anga tawngkam leh thil neih te pawha tanpui thintu kha a ni a. Thian ngaina mi tak a ni a, thian kawm tur zawnga kal thin leh tin mite pawhin a bula awm nuam an tih, an kawmngaih em em thin kha a ni. Tu pawh mai hi a nel em em thin a, midangte pawhin amah hi an nel hle thin a ni. Tin, Pathian leh a Kohhranah rawngbawltu a ni a, inkhawm hi a theih phawt chuan a thulh ngai lo a ni, a dam that phawt chuan.

Political achievement hi nichin-ah khan sawi chhuah a ni tawh a, L.A.D.C a kum 1982 a MDC a thlan a han nih khan Executive Member, incharge education-ah a awm a, hemi chhung hian amah hian Lai tawng pawh tawng thiam teh chiam lo mahsela Pawi tawnga lehkha zirna Primary School stage-ah khan alo introduce a. Hei hi a tir lamah kha chuan hriatthiam vak loh a ni a, duh lo pawh an tam a, nimahse a that zia an hre chhuak chho zel a, tunah phei chuan an improve hle tawh, an tipuitling hle tawh a ni tih kha ka'n sawi duh a. Tin, UT lai te kha a ni a, State a nih hma te khan, sum leh paite kha ala tlem hle a, school building-te kha ala tha lova. Theipatawp-in school building-te a sa a, chumiah chuan nasa takin Pu Ramliana hian contribution kha a nei a ni tih kha ka'n sawi duh a ni.

Tin, chubakah chuan an khua Mampui khuaah hian tunah hian vety farm tha deuh mai a awm a, chu chu amahin a initiative atanga an din kha a ni tih kha ka'n sawi duh a. Tin, Mampui hi tlang nuam deuh mai a ni a, Airport atana tha em em mai hi a ni a, chu chu ani pawh hian ni thei nisela dah theih nise a ti a, tan la thintu kha a ni a, hei hi tunah pawh hian rilruah hian ala awm reng a, Sorkar hian tihlawhtling thei phei sela a lawmawm hlein a rinawm a ni. Tin, Lawngtlai hi a zim a, public tan ram a tlem a, sorkar ram a zau a, chuvang chuan mipuiten ram an neih theihna tur atan theipatawp chhuah a, tan la-in mipui-te hnenah ramte pawh a theh chhuah teuh teuh a ni tih ka'n sawi duh a. Tin, chubakah chuan Bru ram area-ah khuan Tuidum Zau-ah Sub-Health Center MLA a nih lai khan a din a ni a, chu chu Bru Community-te chuan nasa takin an hlawkpui a ni tih kha ka'n sawi duh baw a. Ngengpui lui hi lui tha tak mai a ni a, eizawna atan tlak leh tling, a bul kam vel kha nul area atan te a tha a, chuvang chuan Mampui mitam tak ho kha pem thla turin ati a, tunah hian an pem thla a, mi tam takin eizawn nan an hmang a ni tih te pawh kha tukin zingah hian ka sawi tel duh baw a ni e. Tiang ang a ram leh hnam hmangaihtu, Pawi ram hmangaihtu, ka ta a ni ti a rilru pu thei mihring Pawi ram-in a lo chanta hi a pawh hlein ka hria a, mahselangin a thil tih thatte kan la rochung chho zel a ni tih kha ka sawi tel duh baw a ni. A nupui leh fanaute, u leh naute Pathianin kaihruiin awmpui zel se, tih kha duhsakna ka hlan baw a ni e, ka lawm e.

Pu H. ZOTHANGLIANA : Pu Speaker ka lawm e, Pu F.Lalramliana hi kan ngaihthlak tawh ang khan Mampui Lal Duhpawra tu chhuan a ni a, a pu Duhpawra fapa hi Lal Sakeia niin a ni hi a Lal hman a. Tin, Pu F.Lalramliana pa hi Sangluaia a ni a. Pu F.Lalramliana hi kum 1982-ah MDC-ah Independent candidate a thlantlin a ni a, Congress a sorkar pui a, EM Education nihna a chelh a, chutih chhung chuan Lai tawng zirna Laicha kan ti a, Lai Autonomous Council-a School-a zir turin a introduce a, hei hi a thil tih ropui tak pakhat niin ka hria a ni. Tin, Ngengpui Wild Life Sanctuary leh Phawngpui National Park-te hi khatih hun lai khan District Council kuta a awm hi kan la zo lo deuh ang e tiin State sorkar kuta a awm a tha zawk ang tih ngaihdan nei tlattu leh chutiang taka bawh tlangtu pawimawh tak mai chu a ni nghe nghe, a thil tih hi thil awmzia nei tak mai a niin vision nei tha tak a ni tilangtu pawh a niin ka hria a ni. Kum 1989 a Rajiv Gandhi a lo kal khan, “Mampuih hian Air Field/Air Port siam ve ni rawh se,” ti a memorandum lo thehluttu a ni a. Tin, MLA 1984 leh 1987 kum a anih chhoh khan Hnahthial to Rotlang to Mamte, Mualthuam to Thlengang road hi PWD in min laihsak rawhse, hei hi thil tha tak a ni ang ti a nasa taka hma lo latu kha a ni bawh a ni. Amah hi pakawm nuam tak mai, keini an fate ang rual lek pawh min kawm bawrh bawrh thei a ni a, pa rual pawl thiam tak niin chhiatni thatniah a dam hram chuan tel zel mai chi, mi tlawmngai tak a ni bawh a ni tih ka han sawi tel duh bawh a.

Anni chhungkua hi pa rual tak mai, chhungkaw hung tak mai an ni a, a pu hun atangin tun thlengin chutiang ang mi chu an nih piah lamah Mizoin kan ngaihsan pa chak chhungkua an ni tih pawh hi han sawilan ve hrim hrim ka duh a ni. Tin thil ropui deuh mai pakhat chu an thlahtute hun atang tawhin a pu Lalsakeia kha Lal a ni chungin Lal ban duh a hmalatu Mizo Union Pawlah khan campaigner hmasa berte zinga mi a ni teh tlat mai hi thil ropui danglam tak a ni tih pawh hi he House zahawmtakah hian ka han sawilang ve duh bawh a ni. Chung bakah chuan a patea te ho pawh hi an chhuanawm ka ti a, a patea te zinga Mizoin kan hriat lar deuhah chuan Pu F. Laltuaia te, Pu Ngurchhinga te, Pu Rotlinga te hi an ni. Hlaphuah thiam, zai thiam, mi lar Zoram dung leh vangah kan mi hriatte an ni . Chutiang ang mi, Lai leh Pawifa te leh Zoram mipuiten kan chan ta mai hi kan chan nasa ka ti a, kan ui em em a ni tih hi ka han sawi ve duh a ni. A nupui fanau te, a lainate Pathianin vengin awmpui zel se tih hi kan duh sakna leh kan tawngtaina a ni. Pu Speaker ka lawm e.

SPEAKER : Kan mi chante an uiawm em em a, Pu F. Ramliana nise a pi, a pa nu kha Brigadier T. Sailo farnu a ni a, Brigadier T. Sailo te nen pawh thisen zawm hnai tak an ni a, Brigadier T. Sailo pawn sawi dawn se a tute chungchang chu sawi tur tam tak a neih ka ring a. Tin he chair-a awm ngeite pawhin Pu C. Pahlira te pawh Committee-ah Steering Committee-ah vawi tam tak kan committee pui leh an zei hre tawkte kan lo ni a, sawi tur tam tak a awm ang, mi ropui an ni a chanchin an ngah a, mahse kan sawi seng lovang. Tunah chuan sunna thusawi lam kan lo duhtawk dawn tawh ang a, tunah chuan kan Former MLA te House-in kan sun tak meuh a ni tih entirnan ngawi rengin minute khat i lo ding ang u. (minute khat ngawi rengin Memberte an ding a)

S P E A K E R : Zawhna hmasaber zawt turin member zahawmtak Pu Lalduhoma i lo sawm ang.

Pu LALDUHOMA : Pu Speaker, Public Works Department changtu kan Chief Minister zahawmtak chhan atan ka zawhna chu

- (a) Sakawrtuichhun kawng widening hna hi zawh fel a ni tawh em?
- (b) Sum sen tawh zat?
- (c) Black top a ni dawn em?

S P E A K E R : Chhang turin PWD changtu Chief Minister ilo sawm ang.

Pu LAL THANHAWLA, CHIEF MINISTER : Pu Speaker, member zahawmtak Pu Lalduhoma zawhna chhanna chu hetiang hi a ni.

- (a) Sakawrtuichhun kawng widening hna hi zawh fel a ni tawh em? tih chu zawh fel a la ni lova.
- (b)-na chu sum sen tawh zat tih a ni a, a hna pumpui atana sum sen tawh zat chu : 224.80 (cheng nuai zahnih sawmhnih pali point sawmriat a ni.) Tin, black top a ni dawn em? tih zawhna chu black top tum a ni, tih a ni Pu Speaker.

S P E A K E R : Zawhbelhna, Pu Lalduhoma, midang chuan zawhbelh ve lo mai rawh u aw.

Pu LALDUHOMA : Pu Speaker, ka'n zawh belh duh chu, khumi kawng laih khu kan beisei aiin a rei ta deuh a, a chhan chu mimal ram neituten atira an remtih tawh hnuah an ram laih te kha an han remti leh ta lova, chuvang chuan Contractor pawh a buai hle tih kan hria a. Khawtlang hotute lu pawh a hai a, fur chhungte kha a hrehawm lutuka, a diak kaw nasa em em mai a ni. Chuvang chuan khu dinhmunah khuan khutiang dinhmun khu kan thleng leh ang tih kan hlau em em mai a. Engtikah nge he a widening hna hi sorkarin zawh theih a inbeisei tih leh a pavement work hi engtik atanga tana engtika zawh theih tur nge? tih kha a tlangpuiin min han hrilh thei em?

S P E A K E R : A chhang turin kan Chief Minister ilo ko leh ang.

Pu LAL THANHAWLA, CHIEF MINISTER : Pu Speaker, Member zahawmtak zawhna neitu khan a rawn sawifiah thawkhat a, widening tih mekah tunah hian a tira inbiak remna, remtihna remti lehlo te kha an awm a ni, chu chuan harsatna nasa tak a siam a. Chuti chungin a theihna lai laiah an kalpui zel a. A tlangpuiin hemi kawng awmdan hi 2007-2008 ah khan cheng nuai 176.79 dah a ni a, 2009-2010 ah nuai 74.54, 2010-2011 ah khan nuai 48.46 a ni a. A vai hian nuai 299.79 lai a ni a. Tichuan, hemi expenditure sanctioned atangin nuai 74.54, 2010-2011 khan nuai 48.46 dah a ni a. A vai hian nuai 299.79 lai a ni a. Tichuan, hemi expenditure sanctioned tawh atang hian nuai 224.80 a kawng pumpui tan hian senral tawh a ni a. A bang nuai 70 hi la hman loh a ni a, la dah that a ni. Tin, tuna achievement awmdan tlangpui chu hetiang hi a ni a -

R.C.C. Slab Culvert hi 5 a awm a, Retaining Wall 4 a awm a, running meters 110 a ni a, pavement hna km 5.067 a ni. Tin, Widening hi approximately-in km 1.70 a ni a, tunah hian hna chu kalchho mek zel tura beisei a ni a, Sakawrtuichhun, hemi widen bik na a tan hian sum sen tawh zat chu widening bik tan hian nuai 51.36 a ni. Hei hian retaining wall siamna te pawh a huam tel a, ka'n sawichhuah tak kha.

Tin, sum sen tawh hi contractor hnathawhna man measurement-a tehchhuahna anga siam a ni a. Tichuan, tunah hian heng sum bang la neih hian a tehna kalpui a ni a, ram widening kha a neituten an phal miao loh chuan tihngaihna a awm lova, chuang chuan a nihna ang anga kalpui mai a ngai dawn a ni.

SPEAKER : Le, zawnha pahnhna-ah kan kal ang a, a zawt turin Lt. Col. Z.S. Zuala ilo sawm ang.

Lt. Col. Z.S. ZUALA : Pu Speaker, Hon'ble Minister for Food and Civil Supply and Consumer Affairs changtu Minister ka zawnha chu, LPG Cylinder pakhat fillup seal hi engtia rit nge tih a ni a.

S P E A K E R : Chhang turin Pu H.Rohluna, Minister, Food and Civil Supply and Consumer Affairs changtu i lo sawm ang.

Pu H. ROHLUNA : Pu Speaker Member zahawm tak Lt. Col. Z.S.Zuala zawnha chhanna chu hetiang hi a ni. a) Domestic Gas Cylinder rih zawng chu 14.2 Kg a ni a. Hei hi a gas bik a ni a, tin permissible error -/+ 150 grms hei hi gram 150a tling lo hret emaw a pel emaw a rit zawk emaw hi phal a ni bawk a.Tin, a bur rih zawng tel lovin tuna kan sawi hi a ni a, tichuan a bur ruak rih zawng a bura inziak nen belh khawm tur a ni a, hei hi domestic gas bik a ni a, chaw chhum nana kan hman bik.
Tin b) naah hian Commercial Gas Cylinder Gas rih zawng 19 Kg a ni tur a ni a. Tin, Permissible error -/+ emaw 1% chu chu 190 grams a ni. A bur ruak rih zawng Tare and tret weight, a bura inziak nen belh khawm tur a ni tih a ni.

S P E A K E R : Zawhbelhna Pu Z.S.Zuala

Lt. Col. Z.S.ZUALA : Pu Speaker Cylinder hi a rih zawng ni phalo hi a tam mai thin a, an check hian. Khami kha department concerned hian random check te an nei thin em? Tin, defaulter an manin engtingge an hrem ? Eng action nge an lak tih hi ka zawhbelhna chu a ni e.

S P E A K E R : Pu K. Liantlinga

Pu K. LIANTLINGA : Pu Speaker ka lawm e, hei kan LPG chungchangah hian kan ramin a mamawh hi nikhatah trip 20 ang vel bawr a ni a. Tuna hemi bottling plan kan neih khuanin a daihlo hle mai a, nikhatah tla pawh a ni lova, hemi chungchang thuah hian tihlen tumna leh Zoram tana kan indaih zawk theihna atan hianin ruahmanna a awm em tih leh hemi atan hian ruahmanna a awm chuan Indian Oil Company-te nen inbiakna hi a awm tawh em ? tih kha ka zawhna a ni e.

S P E A K E R : Le, chhang turin a changtu Minister Pu H.Rohluna ilo sawm ang.

Pu H.ROHLUNA : Lt.Col Z.S. Zuala zawh belhna kha kan chhang hmasa ang a. Hei random check hi kan ti reng a, a bik takin Legal Metrology-a Inspector-ten an ti thin a. Gas thleng reng reng hi a buk a tlin leh tlin loh, random check tiin a trip semchhuah a nih hmain check thin a ni a. Amaherawhchu unload-a han check vek tur hi chuan thil harsa tak a ni a, chuangin a rinhlelh awm kha trip khatah Bur 20 te emaw an check a, a dik lo an hmuh hran loh chuan sem tir a ni tlangpui a ni.

Tichuan, tun inrinniah pawh khan Serchhipah man a ni a, chu chu MZ 01 A – 2786 Truck a ni a, a driver pawh Nazir Uddin Singh a ni a, Bur 61 buk tling lo man a ni a, tahchuan Kg 2 bawr vel hian a tling lo hlawm a. Chung a tlingloah chuan cheng 60/- zel hi a driver-te chawi tir an ni a, a buk tlinglo chung pawhin mamawhna a san avangin sem loh theih loh chin pawh a awm a, min an lak duh chuan chungte chu kan sem tir tho a ni. Tin, an tihchingpen manah hian cheng 3000/- chawi tir an ni bawk a ni. Chutiang chuan hremna kan pe zel a, amaherawhchu contractor lamah motor-te a indaih tawh loh avangin han tan tir leh man hi chu kan nei meuh lova tam tak chuan an sim phah a ni. Chu chu tuna a random check kan han neih dan leh a tusual ho kan hrem dan chu a ni a, chu chu ka chhan theih dan ni mai sela.

Pu K.Liantlinga zawhna Bottling plant hi tihlen tumna te a awm em, engangin nge tih kha, theih tawp hi chu Pu Speaker kan chhuah a, Silchar Bottling plant ami pawh khu a hma chuan hemi kan han sorkar hma ti ila, khatah kha chuan manual-a fill thin a ni a, manual-a thunkhah thin a ni a, tunah kan han Sorkar hnu hian theihtawp chhuahin IOC hotute nen tangtlangin kan G.M. Guahati a mite nen tunah hi chuan electronic filling machine hi bun fel tawh a ni a. Nikum Krismas dawn khan a hmun te pawh kan tifel a. Tichuan 24 karosil an ti a, a rualin bur 24 thun khah theihin electronic filling-in, chutiang chuan tihfel vek a ni tawh a. Tichuan Mualkhang pawh khu a hmain 5 karosil electronic filling machine niin tunah hi chuan 12 Karosil bun fel vek tawh a ni a. Kumin April-ah an bun fel tawh a, a hma a ft 8 te, ft 10 te nikhata min pechhuak thin khan tunah hi chuan ft 15/16 te min pechhuak thei tawh a. Tunah chuan hei hi kan capacity-in a phak tawh a ni. Han tilian turin a ramin a daih tawh lova. Chuvangchuan, a sira hecter hnih ram lak acquire a ngai a, hemi hi a land acquisition hi kan la tifel hlei thei chiah lova. A company lamin a payment tunah hian an pek mai hmabak a ni a. Tunah hian a company lam hian payment an la tihfel theih chiah loh avang hian kan innawr reng a, payment an tihfel theih hunah hian a ram lak fel theih hunah hi chuan storage capacity pawh

tihlen a ni ang a. Mualkhang ringawt pawh hian tuna kan dinhmunah hi chuan a gas storage capacity-te tihlen anih chuan Mizoram hi min chawm thei turah kan ngai a. Silchar lamin tunah hian min supplement reng a, tunhnaiteah hian Manipur lamah kawng ping te anih avangin Central lamah PMO atangin Prime Minister-in Manipur a tlawh dawn avangin nasa takin Silchar atang pawha supplement turin an rawn ti a. Chutah chuanin Gas pawh hi tlemin Mizoram lamah pawh hian kan duhtusam anga lo thleng zan lo deuh a awm a. Mahse tunah hi chuan a improve nasa tawh a. Hei hi Krismas bawr velah pawh hian Mipuite kan inhriattir duh mai chu, Kohhranhote leh khang ruaitheh nana Krismas hlim taka kan hman theihna atan pawh hian a theih ang angin hengte pawh hi ruahmanpui kan tum a ni tih kha Pu Speaker, ka'n sawibelh tel a ni, ka lawm e.

SPEAKER : Awle, kan zawhna leh chhanna hun a lo tawp ta a. Thupuan lo ngaithla ila. Tun tun kan session atana kan Panel of Chairmen-te Pu B. Lalhlengliana, Pu Nirupam Chakma, Pu Lalduhoma, Pu K.Lianzuala te an ni. Tin, waviinah Session rawn kal thei lo, taksa chak loh avangin Pu S.Hiato a lo kal thei lova, chu chu House ka'n hriattir a ni.

Tunah chuan kan tih tur dangah kan kal leh ang a. Paper lay a ni a. Heng paper lay-te hi Minister zahawmtak Pu S.Hiato-a lay tura tih kha a ni a, Bulletin lamah khan. Mahse hei a rawn kal theih tak loh avang hian House-ah chawlh a rawn dil angin kan phal sak a. Kan Chief Minister zahawmtak kha a nin a rawn authorized bawk a. Kan Chief Minister zahawmtakin a rawn lay ang a. Mizoram Food and Allied Industry Corporation Limited Annual Report 14-na, 15-na 16-na, 17-na, 18-na te 19-na te a ni a. Chung chu kan Chief Minister zahawmtak heng report-te hi lay turin i lo sawm ang.

Pu LAL THANHAWLA, CHIEF MINISTER : Pu Speaker, Industry Minister zahawmtak, Pu Hiato, sawi tak ang khan a theih loh avangin heng a tih turte hi tihsak turin min ngen a. I phalna angin heng Report-te hi he House zahawmtakah hian ka rawn lay dawn a ni. A vai hian ka ti nghal thei mai em, Pu Speaker ? A rualin aw.

- (i) 14th Annual Report of Mizoram Food and Allied Industries Corporations Ltd (1.4.2003 – 31.3.2004)
- (ii) 15th Annual Report of Mizoram Food and Allied Industries Corporations Ltd (1.4.2004 – 31.3.2005)
- (iii) 16th Annual Report of Mizoram Food and Allied Industries Corporations Ltd (1.4.2005 – 31.3.2006)
- (iv) 17th Annual Report of Mizoram Food and Allied Industries Corporations Ltd (1.4.2006 – 31.3.2007)
- (v) 18th Annual Report of Mizoram Food and Allied Industries Corporations Corporation Ltd. (1.4.2007 - 31.3.2008.)
- (vi) Nineteenth Annual Report of Mizoram Food & Allied Industries Corporations Ltd. (1.4.2008 – 31.3.2009.)
- (vii) 28th Annual Report of Mizoram Food & Allied Industries Corporations Ltd. (1.4.2009 – 31.3.2010) te hi he House zahawmtakah hian ka rawn lay e, ka lawm e.

SPEAKER : Le, Chief Minister-in heng Report-te hi a rawn lay ta a, han sem rawh ule a copy kha.

An sem zawh tawh chuan Pu Lalrinliana Sailo, Minister zahawmtakin “The Mizoram State Agricultural Produce Marketing Development and Regulation Rules, 2010” hi House dawhkanah rawn lay sela, i lo sawm ang.

Pu LALRINLIANA SAILO, MINISTER : Pu Speaker i phalna leh he House remtihhain “The Mizoram State Agricultural Produce Marketing Development & Regulation Rules, 2010” hi ka rawn lay e.

SPEAKER : Han sem rawh ule. Pu Zodintluanga, Minister zahawmtakin “The Mizoram Municipalities Election to Local Councils Rule, 2011” hi House dawhkanah han lay sela, i lo ko ang.

Pu ZODINTLUANGA, MINISTER : Pu Speaker, i phalna leh he House remtihna in “The Mizoram Municipalities Election to Local Councils Rule, 2011” hi ka rawn lay e.

SPEAKER : BAC Report, Tun tum session kan neih tur detail programme chu BAC, Business advisory Committee-in ni 23rd Nov, 2011 nilaini khan a duang a, Bulletin Part-II, No. 172-na, ni 25th Nov, 2011 ah khan member hriattir in ni tawh a, khami member-te kan rawn thawn che u ang tho kha, tihdanglam awm chuang lovin House-ah ka rawn present a ni. Tunah a copy kha han sem phawt mai teh u. Kan hmang mek chu a ni tho mai a, mahse House pawmpuina kha a ngai tlat tho a ni. BAC Report kan rawn present kha min pawmpui thei em House in ? A lawmawm e.

Tunah chuan kan tih tur dangah kan kal leh anga. Hei tun tum kan session chu Official Resolution kan nei ve leh tlat mai. Minister zahawmtak Pu Lalrinliana Sailo hnen atangin official resolution kan hmu a, member-te hnenah khan Bulletin-II, No. 176-na 8.12.2011 ah khan kan inhriattir tawh kha a ni a. Tunah Minister zahawmtak a Resolution move turin sawm mai ila, tul a tih chuan rawn sawifiah nghal se a tha ang.

Pu LALRINLIANA SAILO, MINISTER : Pu Speaker, ka lawm e. Tuna official resolution kan neih tur hi hriat tlan a ni a, amaherawhchu, Mizoramah hi chuan tun dinhmun takah hi chuan a relevant lutuk lo ti ila a dik awm e. Hemi taksa peng bung hrang hranga transplantation chungchang a ni a. Parliament-in Organs Act, 1994-ah a siam a, hei hi a famkim tawk loh deuh hlek avangin anmahni lam bawkin a siam that dan leh a him dante, mipui leh damlote tana a him zawk theihna turin an rawn duang a, hei kan hriat angin State List a ni a a lo khirh em avangin harsatna chu an tawk zauh zauh niin kan hria a, chuangin hei hi a siam that lehna a ni deuh mai a, a thu hi a thuk angrengin leh a Law te leh a dan leh dun hi a khirh angreng viau a. Amaherawhchu kan ram tan, mipui tan anih avangin helaiah lo pass ve a ngai a, tichuan Parliament-in dan a rawn siam zui zel

theihna tura ruahmanna a ni a. Tin kan hriat angin khung phaiah te chuanin kan organ hi hralh a tam em em mai a, to tak takin kal (Kidney) te pawh singhnih vela doctor-in an han tih a khawi maw laia lo ti kual a nuai hnih lai te pawh thleng chho a ni a. A clip hi a tam em em mai a, chuvangin heng venna leh fel taka ruahmanna siamna a ni a, saptawngin rawn ziah a ni a, i phalna leh remtihhain Pu Speaker a chhung thu hi kan chhiar a nge. “Whereas parliament had enacted the Transplantation of Human Organs Act, 1994 (No. 42 of 1994) providing for the regulation of removal, storage and transplantation of human organs for therapeutic purposes and for the preventions of commercial dealing in human organs connected therewith or incidental thereto And whereas certain shortcomings in the operation of the law have been noticed which require amendments to the Transplantation of Human Act, 1994 (No. 42 of 1994.)

Pu Speaker, helaiiah hianin tihsual zeuh a awm a, “Human Organ Act” tih turah hian “Human Act” tihpalh a lo awm a, tihsual liau liau a ni. House ngaihdamna ka rawn dil e.

And WHEREAS the subject matter of such law is relatable to entry 6 of List II (State List) of the Seventh Schedule to the Constitution of India and Parliament has no power to make laws for the States with respect to the aforesaid matters except as provided in articles 249 and 250 of the Constitution of India to facilitate organ transplantation in genuine case and to provide for deterrent punishment for illegal and / or commercial transactions in human organs.

AND WHEREAS it appears to this Legislative Assembly to be desirable that the aforesaid amendments in the Law should be made in the State of Mizoram by Parliament by law.

Now, THEREFORE, in exercise of the powers conferred by clause (2) of article 252 of the Constitution of India, this House hereby resolves that the matters with respect to the amendments to the Transplantation of Human Organs Act, 1994 should be regulated in the State of Mizoram by Parliament by law”.

S P E A K E R : Government’s resolution-a changtu Minister-in a rawn move ta a. A resolution kha hrilhfiahna ang deuh khan a kal lo thei lova, a paragraph hnunung ber kha keini House-in kan lo adopt tur lai ber kha chu a ni a. Han en vang vang khan engmah han hriatthiam loh lai tur a awm chuang lo va. India ram zau takah hian state-ten thuneihna kan lo neih ve chin lai kha zah sakin kan la awm a. Parliament-ten an duh duhin min pal bawrh bawrh lo te hi a lawmawm a. Keini state te phe chu kan House-in kan han sawi ho ve a, Mizoram tana kan lo adopt ve ang tur chi te, tuna lo kalte pawh hi lawmawmah ngai ila. He Govt. resolution hi kan sawiho ang a. Mi pakhat tan 5mins in pe ila a tawh kan ti mai em? tawh mai ti rawh u, minute hnih lekah pawh cover theih a niin ka hria a. Minute 5 chu tuman khum loh tum ang aw. Tunge han sawi hmasa ang le? House-a lo lut a ni a. House-ah member-ten an duh pawh sawi lova, pass mai ang tih ringawt kha chu a dik lo. Ding tur an awm loh chuan kha kha chu helam atangin kan rawn ti mai ang. Pu Lalduhoma sawi turin i lo ko ang.

Pu LALDUHOMA : Pu Speaker, sawi vak ka tum lova, pass rawt tum mai ka ni mah mah zawk a. Hei hi a subject hi state subject 7th Schedule ami a ni a. Amaherawhchu, Dan/Act hi Central Sorkarin siam a tul si a, amend an duh bawk si a, chu chu kan ramah applicable ve se kan duh bawk si a. Kan Assembly-in resolution a pass loh chuan an rawn ti thianga bawk si lo va. Chuvang chuan kan Minister khan i lo pass ve ang u, min rawn ti a ni ber a, khan, formality a ni deuh mai a. Kan thuneihna kan tihlan vena tur a ni a, Dan amendment hi keini siam tur a ni chuang lo va, Parliament rawn tih tur a ni a. Parliament-in rawn amend rawh se kan ti dawn a ni chauh mai a. Kha resolution kha kan pass ve loh chuan India Constitution Article a rawn tarlan takte khan a dal ve si a, 249, 250, 252 tih te khan. Kha mi requirement kha vawiinah hian kan ti ni maiin a lang a. Sawifiah vak tur a awmin ka hre lo. Rem kan tih tlan chuan pass mai a sual lovang a.

Dr. R. LALTHANGLIANA : Pu Speaker, tuna kan ngaihtlak ang khan tih ve tur hi kan nei ve hrim hrim a. Amaherawhchu, kan sawi tam emaw, kan sawi tlem emaw, awmzia a nei teh chiam chuang lova. Amaherawhchu, nakinah Parliament-in mumal taka hemi chungchang thua hian ruahmanna siam a tum dawn tho tho a, kawng leh lamah chuan thil pawimawh deuh anihna lai hi a awm a. Court case-te pawh hi a tam khawp mai a, kan mihring taksaa kal han in pekte pawh hi case hi a tam em em mai a, kan Health Minister pawhin a hriat nual ka ring a. Engemaw mumal deuh hleka India ram pum pui leh khawvel huap ante pawha thil kal chho tam tak hi a awmin ka hria a. Chuvang chuan kan business han en hian thil pakhat vawiina pass ngei tura beisei pahnih kan la chhawp deuh bawk nen, helaia kan han sawi chiam hian kawngro a su em em chuang lo bawk a. Sawi tam vak lo hian kaltlang chho mai sela. Tin, keimahni state chauh nilo India rama tate ho pawh hian an Session-ah hian pass vek tura beisei a ni bawk a. Khatiang khan kaltlang chho mai sela a tha maiin ka hria a, helam pang chuan kan ngaihdan a ni.

S P E A K E R : Awle, a lawmawm e, kan lungrual tlan tum tak pawh a ni awm mang e. Tikhan duh tawk mai ila, Minister-in engemaw han sawibelh leh hlek tur duh a neih te, helaia chhutsual kha chu ngaihdan a rawn dil kha kan point out lova, a Organ tih an chhut hmaih hlauh a kha. Chhut sa angin kan zuk chhiar thiam hlawm a, a lawmawmah ngai ila. Tichuan Minister khan engemaw han sawibelh leh duh a neih leh han sawibelh leh hlek se. Tichuan adopt han dil nghal sela a tha ang, ilo ko ang.

Pu LALRINLIANA SAILO, MINISTER : Pu Speaker, a lawmawm hle mai. Kan Member-te ngaihtuahna leh homework an nei tha hle niin a lang a. A chung thua a nihna a rawn sawi Chiang a, sawi tur vak a awm lo a. Sawi ang khan hei hi chu Medico legal thil a ni a, formality lo tih ve tur a ni mai a, kan hmuh tlan angin. Pu Speaker, i rawn chhawp fuhin ka hria a, Parliament-in state thuneihna a zah a. Tunah hian Parliament chuan a ngai pawimawh a, Committee hrang hrangte dinin tiang khan an chhui kual a ni a, kan hriat tlan angin, khulamah chuan a pawimawh em em a ni. Tin, tunah pawh kan tan pawimawh vena awm chu hetia kal (kidney) thlak a ni emaw, eng ilo hrang hrangah hian an chhungte dik tak a ni em tih te, authorised dik tak a ni em tih te, chhungte an neih loh pawhin affidavit-te kha an lo demand thin a, thlang lam atang khuan. Tichuan Mizorama lo chhuah te a ngai a, kan Secretariat-a thawkte pawh hmanni lawkah harsatna an tawk tih te kan hria a. Khang avang khan hei hi Parliament-in a hmanhmawh viau mai a. India ramah chuan khatiang

sumdawna diklo kan taksa bung hrang hrang hmang khan a tam em em mai a, chumi venna tur a ni a. Helaiah chuan kan Member zahawmtakte an fakawmin ka hria a, thil an chiang a, helaia kan rawn draft leh put luh pawh kha. Kha kha a nihphung a ni mai a, chuvangin he House zahawmtakin min lo adopt sak turin ka rawn dilin ka rawn ngen e.

SPEAKER : Awle, Minister-in House hi adopt turin min rawn dil a, kan tihdan pangngaiin kan buk ang a. Remti apiangin ‘remti’ ti rawh ule. Rem tilo kan awm chuan ‘remtilo’ ti ula. Awm lo maw, awle, he official resolution hi House-in lungtual takin a adopt ta a ni.

Pu LALRINLIANA SAILO, MINISTER : Pu Speaker, ka lawm e.

SPEAKER : Tunah chuan Legislative Business-ah kan lo kal tawh ang a, dan siam lampang a ni a. Dan tharte a nih pheih chuan uluk zual hi a ngai a. Amendment a nih chuan amend a tulna lai te pawh kan chian hi a ngai thei a. Pu Zodingtluanga, Minister zahawmtakin “The Mizoram Street Vendors Protection of Livelihood and Regulation of Street Vending Bill, 2011” hi House-ah introduce rawn dil sela, i lo ko ang.

Pu ZODINGTLUANGA, MINISTER : Pu Speaker, i remtihna leh he House zahawmtak remtihna “The Mizoram Street Vendors Protection of Livelihood and Regulation of Street Vending Bill, 2011” hi introduce ka rawn dil e.

SPEAKER : Minister zahawmtakin he Bill hi House-ah introduce a rawn dil ta a. House-in kan remti em ? Aw, a lawmawm e. House-in introduce kan remti tawh a, tunah introduce turin lo sawm ila.

Pu ZODINTLUANGA, MINISTER : Pu Speaker, i remtihna leh he House zahawmtak phalnain “The Mizoram Street Vendors Protection of Livelihood and Regulation of Street Vending Bill, 2011” hi ka rawn introduce e.

SPEAKER : A copy kha chu kan nei tawh hlawn maw ? Awle, tunah House-a ngaihtuah turin rawn move sela, i lo ko ang.

Pu ZODINTLUANGA, MINISTER : Pu Speaker, ka lawm e. Central sorkar chuan an dan siam leh an ennawn thar, The National Policy on Urban Street Vendors, 2009 leh The Model Street Vendors, Protection of Livelihood and Regulation of Street Vending Bill, 2009 zulzuiin state tinte chu he dan hmang tura bill siam tura phut leh beisei kan ni a. Tichuan, The Mizoram Street Vendors Protection of Livelihood and Regulation of Street Vending Bill, 2011 hi Central sorkarin min phut angin ruahmanna siam a ni a. He ruahmanna hi state tam takah chuan hman tawh a ni nghe nghe a ni. Eizawn nana kawngkama thil phoa inzuarte

mumal zawka an khawsak dan enpui te, vantlang mipuite tana hnawksak lo tur leh hriselna leh thianghlimna thleng pawha inrelbawlpuina lamte leh khuahkhirhna leh hremna dan a ni tlangpui a, he dan hi hman a nih hnu chuan a hmangtu turte leh a chelektu turte chu Municipal-a thuneitute an ni dawn a ni. Pu Speaker, a tir lama kan rawn sawi ang khan vawiina kan bill rawn put luh pawh hi Central Sorkarin ti tura min rawn phut leh state dangte pawhin an lo tih tawhte a ni a, hei hi he House zahawmtakin min remtih puia min pass pui ngei turin he House zahawmtak hi ka rawn ngen e.

S P E A K E R : Bill introduce-in tunah khan a rawn move ta a, a copy kha kan sawi tawh ang khan kan nei theuh tawh bawk a, kan sawiho leh ang a, tichuan, minute 5 theuh in pe ila tawh kan ti mai em, minute 5 theuh in pe leh mai ang u aw. Tunge sawi hmasa dawn le, Pu R. Lalrinawma.

Pu R. LALRINAWMA : Pu Speaker, ka lawm e. Kan Minister zahawmtakin tihdan tha tak mai dan thar kan neih tur a rawn duangchhuak a, tunah House-ah ngaihtuah theih a ni ta hi lawmawm ka ti a. Helai House-a bill lo lutte kan ngaihawh thin typing mistake han tih ang chite leh engemaw dik lo tak mai awm thinte pawh tun tumah chuan a rawn felfai viau ta a. Eizawna hnuaihning zawk kan tih angte tana hamthatna tur dan a ni a. Pu Speaker, tunah phei chuan eizawna hnuaihning pawh a ni chiah tawh lova, hetiang Street Vendors/hawkers kan tih ang chi te, hengte hi mi tam takin chungkaw chawm nan an hmangtawh a, eizawna tha tak a ni a. Hei hi kan uar chho zel dawn pawh niin a lan avangin hetiang an eizawn theihna tura an tana remchanna turte; tin, hemiin mipuite a nghawng turah, engemaw kaihhraina turte tam tak he danah hian a rawn awm chhova, chu chu mipui tana hamthatna dan Social Welfare Legislation kan tih ang zinga mi kha a ni a. Dan tam tak hi khapna ringawt a ni emaw, tute zuk control-na tur ringawt emawte tam tak a awm a, chutih laiin he dan erawh hi chu hemi kawnga eizawngtute, mi tam tak tana hamthatna tur anmahni venhimna tur dante a lo ni chho dawn a. Hei hi a lawmawm hle mai a, Sorkarin dan siam kawngah a hnathawh tha tak turte zinga mi a ni dawnin ka hria a. A dan a tha a, sawisel tur a tam lo ka tih rual khan vawinah pass lohna tham anih loh rualin Dan hi vawilekhkhat a famkim vek thei lova, amendment-te pawha siamthat leh theihthe pawh a ni thin a, chumi hunah chuan kan chhinchhiah atana ka duh a awm a. Chu chu chapter II phek li-na ah khan scheme for street vending tihah hian sorkarin he Dan hnuaiyah hian scheme, he Danina tul a kenkawhna turin scheme hrang hrang notification siam a, a duan theihna tur a rawn tlar diat diat a, a tawp berah hian - Any other particulars which may be considered by the Government as proper for including the scheme tih tak mai hi any other particulars which may be considered by the Government as proper for inclusion in the scheme tih ni zawk awm takin ka hria a, a thu kalhmangah. A tum chu a thuhmun reng a, amaherawhchu, Pu Speaker, a thu kalhmangah khan proper for including the scheme tih kha chuan a tum chu a thuhmun deuh reng nain kalhmang zawk deuhin a hriat a.

Clause 8-ah hian Constitution of Ward Vending Committee a; awm a, Ward Vending Committee, Town Vending Committee, Local Authority-te a rawn sawi

chhova. Ward Vending Committee-ah hian power an thuneihna tur emaw, an function tur emaw sawi hi a awm ve miah lova. Engnge Ward Vending Committee hian town committee-in tul a tih angin an hnathawh tur a siamsak ang tih lam kha a awm miah lova, Ward Vending Committee din theih dan chiah kha a awm a, hei hi eng anga hman tur nge tih kha a awm tel lo a ni.

Tin, chapter IV-ah hian registration of street vendors tih clause 12 ah hian Town Vending Committee and the registration made within such period. A bul atangin ka'n chhiar law law ang e Pu Speaker. An application made under sub-section 1 shall be examined by the Town Vending Committee and the registration made within such period.....hetah hian 'registration shall be made' tih tur niawm tak a ni, 'registration made' tih nghal tawp mai lo hian. A chhan chu Town Vending Committee-te khan application kha an lo enfiah ang a, tichuan a period hun chhungin registration an ti ang tihna tur niawm tak a ni a, registration tihdan tur ruahman angin. Hetah a hun chhunga a tih loh chuan a reject si loh chuan register anga ngaih a ni ang tih te a hnuaiyah hian a awm leh a. Helai hi 'registration made' tih hi 'registration shall be made' tih tur ni awm tak a ni.

Tin, siamthat ngai awm deuhva ka'n ngaih leh pakhat chu Chapter – V a 'Duties of Local Authority' tihah hian hei hi a dik thei thova, siamthat pawh a ngai lo thei thova. Amaherawhchu, (e) Granting/Renewal/Suspension/Cancellation of licence to the registered street vendors in the manner specified' tih hi Town Vending Committee-te thuneihnaah khan pek a ni bawk a, Local Authority-te thuneihna tur a ni bawk a. Helai hi thuneihna inang chiah an nei mai dawn a. Town Vending Committee-ten an register duh lohva appeal-na tur kha Local Authority hi a ni si a. Tah hian Local Authority-te hian licence pek te, renew te, suspend te, cancel te kha a thuneihna a ni ve tho mai a. Khalaiah khan thuneihna inang, he kan danin a tumah chuan Local Authority hi Town Vending Committee-te enkawltu tur leh an thiltih dik lo emawa lungawi lo emaw appeal-na tur kha Local Authority kha a ni a. Heta anni thuneihna chiah Clause 9 (a) –a Town Vending Committee-te thuneihna chiah kha thuneihna kan pe ve tlat mai hi a inkalh deuh emaw ka ti a ni. Tichuan, a dan hrim hrim hi chu a tha a. Mipuite tana hamthatna tur dan a ni a, pass ngei turin karawn support a ni. Ka lawm e.

SPEAKER : Tunge sawi leh dawn? Pu C. Ramhluna.

Pu C. RAMHLUNA : Pu Speaker, ka lawm e. A hmasa bera ka han sawi duh chu hei dan tha deuh mai tuntumah hian inrawn pulut hi lawmawm ka ti a. A chhut pawh a tha a, spelling mistake pawh sawi tak ang khan a awm tawh lova, a lawmawm hlein ka hria a. Chutihlai chuan ka sawi duh chu Chapter – II : Town Vending Committee (b)-a such number of other member as may be prescribed a ti a, a sawi thla zel, a proviso kha 'provided that the number of nominated member to represent the street vendors shall not be less than 40% of the total number of members and one-third of such members shall be from amongst women vendors' tih lai kha vendors- ho hi ka'n en thin a, hmeichhia deuh vek hi an ni mai a. Mipa hi an tlem hle mai si a, helai hi tunlai kan term-ah chuan one-third women reservation te nen hian a inkaihnhawih deuh pawhin a lang thei a. Helai hi one-third han tih lai tak hi women reservation atana tih ang deuhva lang a nih si lai khan hmeichhia hi an tam thei hle mai awm

mang e tih kha ka ngaihtuah a. Mipa zawk tan khan siamsak a ngai mah mah zawk lo maw aw tih te kha ni e, Pu Speaker, ka rilruah khan a awm deuh hlek a.

Tin, a dang lehah chuan phok 5-naa para 6(1) ah khan The Town Vending Committee may associate with itself, in such manner and for such purposes as may be prescribed, any vending person a tih kha, vending person a tih kha tute nge tih hi associate tur a ni bawk si a Vending Committee-ah khan, Vending Committee member-te pawh.....khami vending person taka kha definition-ah hian ka hmu si lova, kha kha tute nge lo ni ta ang le tih kha kan Minister zahawmtak hian min hrilhfhiah thei se chuan a lawmawmin ka ring a, kha kha ka mit an la deuh hlek a, chu chu ka sawi duh a.

Tin, a dang lehah chuan Pu Speaker, Chapter 4-a para 13 hi ‘The local authority may give preference to the registered street vendors in allotment of stalls in the vending zones’ hi helaiah hian vendors ho hi kan register tir vek turah kan ngai a, register loh pawh kha pek theihna dan chu a awm ve ni awm takah kan ngai a, a chhan chu register kha preference pek tur a nih si laiah khan, register loh ho kha khawilayah nge pek theih dan a lo awm tak ang? Register loh te hi chu pek loh law law mai hi a thalo mai zawklo maw? Helai hi enchian deuh a tha em aw tih kha ka ngaihtuah a, register loh hi chu stall hi pekloh nisela ti ang zawng khan kalpui ta zawk ila, a thalo maw tih kha....thenkhat kan register tir si a, register loh kha pek theih leh tho anih si chuan kan Dan khan mi kha a funkhawmlo mai awm mange aw tih kha ka ngaihtuah deuh hlek a, khalai kha lo enthat leh a van tha e tih kha ka’n point-out duh a.

Tin, a dang lehah chuan Chapter 6-a para 16 (e) – a planning authority ho tih tur ‘demarcate vending zones specific to the requirement of the town or city’ a tih kha helaia 9(e) nen khan engtin nge ni an kaldun dan tur ni ang aw tih kha ka ngaihtuah deuh hlek a, khami 9(e) ah khan Town Vending Committee tih turah khan ‘identify and the designate vending zones’ a tih te te lai khan anni khan demarcate vending zones specific to the requirement of the town or city khalaiah khanin an kaldun thei ang em? An duh duh lai kha an va demarcate ve mai ang em? Town Vending Committee-in khami vending zone an lo designate tawh lai kha an va demarcate sak mai dawn nge ni anmahni duh angin an kal ve ang Planning Authority kha. Planning Authority leh Planning Committee kal dun dan tur lai kha tlema sawi fel deuh atan a tha hle mai tih ka rilruah a awm deuh hlek a. Tichuan, Chapter 3-a Town Vending Committee, a Mizo tawnga ziahah khan hei hi kan implement dawn chuan Municipal CEO-in a implement ang 10% turin tih kha a ni a, Municipal hi Aizawlah chauh kan nei si a, hei hi khawpui dangah te hian engtin nge kan lo hman ve tak ang tunah rih hian. Aizawl lo, Lunglei te, Kolasib-ah te vendors an awm ve nual si a. Khang ho control-na kha khawi nge ni ve ta ang le tih lai kha ka Chiang lo riau a, chu chu kan Minister zahawmtak hian min hrilhfhiah sak thei sela tih kha ka’n duh bawk a ni e.

As a whole-in hemi a Bill hi chu a tha hlein ka hria a, hetiang ang Bill tha tak kan pulut hi a lawmawm ka ti khawp mai. Ka support e, ka lawm e.

SPEAKER : Pu Lalthansanga.

Pu LALTHANSANGA : Pu Speaker, a lawmawm e. A hmasain kan Bill hi withdraw a ni a, tun tumah hian an rawn ti tha thawkhat hlein ka hria a, explanatory note thlengin a rawn ti a Mizotawngin, a lawmawm ang reng hle a. Heti lai definition-ah hian 'Planning Authority' han tih lai hi hei hi an thuneihna hi a sang dawn hle a ni mai a. Planning Authority ho hian engkim mai hi vending zone-te pawh hi an plan tur vek kha a nih hmel a. Hei hian engchen nge a huam ang a, Local Authority te, Municipal Corporation te leh hemi kan AMC Councillor te hi a huam ang em tih laite kha min han hrilhfiyah deuh hlek se. Hei Mizote hi kan nun dan reng rengte hi a mak khawp a, Gorkhali te hi an sawi thin a, 'an pension a, an pension-na hna lian tak pawh hi nise a tawpah chuan bawng an vulh e, tih ang deuh hlek khan keini pawh hi kan nunphungah pawh hian pension chuan huan hi kan nei deuh zel mai a, chutiangah te chuan hemi peddler ho han tih ang chiah te pawh hian thil han zawrh mai te, thenawm khawvengah pawh hian khawi lai Local Council-ah te emaw Authority hoin an lo khap bur mai phei kha chuan buaithlak tak kha a awm a, a dan kan siam rual hian Dan hi bawhchhiat tur hian kan siamte pawh ni thei dawn hian a lang a. Heti laiah hian ka'n sawilan duhna chu khatiang ang te, engnge maw hunah temporary-a thil han zawrh kual a awm pawhin khatiang lai angte kha chu ngaihnhathiamna hi kan nei deuh a ni tih kha rilruah han awm ta se tih kha ka rilruah chuan a awm deuh hlek a.

Tin, Chapter 4-a 'Application for registration' tih lai hi, hei hi i phalnain, Clause 1 hi every person who has completed the age of 18yrs and intend to do street vending shall make an application for registration as street vendor to the Town Vending Committee tih a ni ta a, 'any person' han tih nghal ringawt mai hi vawiinah chuan kan problem hi a lian chho hle a ni mai a, Aizawl kan Bazar New Market te pawh hming han thlak hial kan duh a, dar 5 hnuah chuan kal ila awzia hrang hlir hriat tur a awm tawh mai a, hetilaia a dil apiang mai kan pek leh hi chuan kei mahni sons of the soil te kan himna tur sadai hi a rawn thiat hle hian ka hria a, chuvangin hemi applicant ho reng reng hi ram leilung fa a ni tih kha kan Minister hian min assure theih hi chuan hei hi chu a pawmawmin ka hria a, a nih loh phei chuan hei hian keimahni hnam chhiatna a khawih deuh tlat hian ka hria a, kan hnam kal zelna tur atan hian a pawh thei ang a, chuvangin hetilai a hetiang tak maia a rawn dah hi ka rilru a khawih hle a, nizante pawh kan en thin a, a dil apiang pek tur a nih ringawt hi chuan kan hnam tan hian a pawh dawn a, vawinah eizawna tlak, eizawna tha a ni a, chawhmeh zuar ringawtte pawhin in leh lo dinte pawh an awm a, chutiang chuan chhungkua enkawl tam tak an awm a, chutiang ang tak maia eizawna tha a nih chhoh tawh lai leh hetiang avanga fate hlawhtling tak taka lo chherte an awmlai hian a lo kal apiang mai hnamdang emaw, Bangladesh foreigners emaw, Myanmar foreigners a nia maw tih a kha hetah hian a tel deuh tlat avang hian 'Application for Registration' hian a bikin Mizoram mi ngei an ni tih ang a, Local Authority te leh V.C. te hriatpuina nena heng mite hi pek nise tih emaw kha min tiam theih chuan a tha turah ka ngai deuh hlek a, chuvangin definition a an sawi ang khan, Planning Authority kha kan dah sang a, kan Councilor-te lam hi an lang vak lo va, chuvangin vawiinah te pawh kan han en kan han en hian kan AMC te pawh a function dante pawh han en hian an vui lek lek hian ka hre thin a, anmahni lam atanga thil kal te hi kal ve tur a han ngaihte a kal loh te hian in an function hi nep hle te a hriatna te an han nei deuh hlek a, chuvangin hetilaiah pawh hian kan Chairman-te hi, a Chairman-ah hian awm zawk mai hi thil tha a ni zawk lo ang maw? Kan Chairman-te saw dah ni zawk ta se, chutiang deuh chuan rilruah a awm deuh hlek a, engatinge CEO in a handle/man mai ang tih

te kha rilruah a awm deuh va, mahse kha kha chu thu hran pawh ni se, chapter –IV kha min han assure theih chuan a ram leilung fate tih lai kha kan sawi deuh a ni e. Ka lawm e.

SPEAKER : Pu T.T Zothansanga

Pu T.T ZOTHANSANGA : Pu Speaker, ka lawm e. Han sawi tam vak tur chu ka hrelo va, hei kum thum leh ni nga vel term kan han hmang ta a, kan dan No 56 na zet kan han thleng ta mai hi Mizoram hian chapter thar kan kai niin ka hria a. Tun hma chuan MLA te hi Assembly a rorel a, loan-te pe a, hmun dang danga thil sem tura hmuhna kha a lo awm ve a. Amaherawhchu, tun term atang hi chuan dan siam lamah hian nasa takin kan tang niin ka hria a, a lawmawm ka ti khawp mai a.

Kan Minister-te an fakawm ka ti a, dan hrang hrang amendment a ni emaw, dan pangngai a ni emaw thil thar an rawn ching chhuak an rawn ching chhuak mai a. Tin, vanneih thlak tak maiin Subordinate Legislation Chairman-ah te ka awm a, kan term kal taah khan an lo en lo lutuk mai te kha ka rilruah hian an awm a. Tunah mumal takin kan han kal chho ta zel a, a dan ang zawnga kan han kal chho ta mai hi Obama an ‘change’ a thleng a tih ang kha Mizoram hian a thleng niin ka hria a, a lawmawm ve hrim hrimin ka hria a. Dan 56-na zet mai hi an ni a, kan dam ang a, Pathian zarah kum hnih dang hun kan la nei a, Zoram tan hian kawng dik kan zawh mek a, chuvangin tuna an rawn chhawp chhuah pawh hi tha ka ti a, lawmawm ka ti tak meuh a ni tih kha a hmasain ka sawi duh a.

Tin, tuna kan member zahawmtak Pu Chatean a rawn sawi tak kha han sawi thui vak ngai a ni lem lo, shall tih kha can tiin thlak mai ila, mi zawng zawngin an dil ang tih nilovin an dil thei ang tih kha a ni mai dawn a ni. He mi application for registration kha, every person who has completed the age of 18 years has intend to do street vending ‘shall make’ tih kha ‘can make’ ti mai ila, an dil thei ang tih khan thlak mai ila, kha kha chu awlsam tein a digest theih maiin ka hria. Tin, Pu Speaker , Chapter 3 Town Vending Committee-ah khan Government represent tur 4-na 2 (b)-ah khan representing the Local Authority, the Planning Authority, Traffic Police a rawn sawi deuh duah mai a, Local Authority a lo lang tel a. Tin Chapter 4, 12-na, 4-na te ah khan Any person aggrieved by the decision of Town Vending Committee under sub section 3 local authority a ti a. Local Authority kha helaia Town Vending Committee a an awm tawh kha chuan anmahni tho kha member khan an va appeal leh dawn a ni a, kha lai tak te kha a vei lawi deuh mang e ka ti a, mahse kha kha chu a sawifiah theih thovin ka ring a. Kan Dan hi tha ka ti a, Mizote chu kawtkaia thil han zuar mai chi kan ni a, regulation fel tak kan nei chho dawn a ni.

Tin, chutih rualin rilrua awm se tih ka’n duh chu a thianghlim tur a ni, a thianghlim tur zawng hian en tel nise tih hi tha ka ti a. Mizoramah chuan incheina leh thildang hi kan fai tha a, an zahpuiawm lo vek a ni an ti a. Kan fai ang hu hian ei leh inah hian kan duhtui tlat lo hi pawika ti a. Hmundanga an sawi dan chuan, kan la kal zau ve vak lo nain ‘Ei leh inah hian an thianghlim em em a ni’ an ti a ni. Chuvangin ei leh in lama kan thianghlim theihna turin Street Vendor te tlema han hnuh deuh theih dante hi awm thei turah ka’n ngai a. Chuvangin helai dan hi a nawlpuiin tha ka ti a. Tin, Dan vawikhatna kan hman reng reng hian engemawchen kan

han practice ang a, a hei chu siamthat a ngai a ni a, tih tur hi chu a pai ve hrim hrim a ni, khalaita kha ka rilruah a awm a. Kan Minister zahawm takin a rawn chhawp chhuah hi ka'n support a ni. Ka lawm e.

Pu LALTHANSANGA : Pu Speaker, nichina CO ka tih kha Chairman tih zawkin min thlak sak ula ka duh a. Chief Executive Officer kan tih kha Chairperson tur zawkin tlai feah khan min thlak sak turin kan duh che u a ni.

S P E A K E R : Tunge sawi leh dawn ? An awm tawh lo em ni?

Lt.Col. Z.S. ZUALA : Pu Speaker, ka lawm e. Hetilai danah hian entirnan mi inah te thil zuarin an duh duhin an lo kal a. Hetiang ho restrict dan hi huam telna hetah hian ka hmu lova, vai ramah te leh khawpui lian zawkahte chuan security hi a pawimawh em em a. Kan ramah pawh hetiang hi a pawimawh dawn a. Kan hmehriat lemloh thil zuara lo lut chat chat ang chi ho hi engemaw registration pek emaw, an security check-na certificate neite hi ni thei se, tiangho huam dan hi a awm leh awm loh ka hre lova. Ka chhiarah hi chuan ka la hmu lova, henge pawh hi telh nise a tha ang tih ka han sawi a ni e, ka lawm e.

S P E A K E R : Tunge sawi leh dawn ? An awm tawh lo em ni ?
Pu K.Liantlinga.

Pu K. LIANTLINGA : Pu Speaker, ka lawm e, tuna kan Bill ngaihtuah tur hi hetia han en thuak hi chuan a tha thuakin a lang a, thenkhatte pawhin an han fak nak nak a. Tin, hmannah chiangkuan tawh lohna avangin withdraw leh a ni a, tuna putluh leh pawh hian a la chiangkuan tawh lohna lai a awm a. Kan ram kalphung hrim hrimah pawh hian Dan te kan siam chho zel a, a tha a, dan chu kan nei tur a ni a. Amaherawhchu, fimkhur a ngai em emin ka hria a, dan chungchang thu ah hian. Tuna dan pawh hi kan Cabinet-ten an ngaihtuah a, an thlir a ni a. Cabinet-te pawh hian tun aia chiang zawk hian an thlir lo em ni aw! tihte pawh hi ka rilruah chuan a awm deuh a.

Hmanniah khan “The Mizoram Delegation of Financial Power Rules, 2011” hi an rawn tichhuak a, khatah khan Speaker power paihna a rawn awm a ni. Kha kha a kal liam puat a, Cabinet-in a passed a ni si a, mahse a hnu lawkah corrigendum notification a awm leh a. Khatiang bawh khan tun dinhmunah pawh hian he thil hi vawikhat withdraw tawh a ni a, vawikhat tunah hian putluh leh a ni a. Chuvang chuan, hengah pawh hian ngun taka kan ngaihtuah chuan kan hawkers/vendors-te hi an him tawh lo dawn a ni, kan ram mipui hian harsatna kan tawh mek dawn a. Tunah hian nasa takin hnamdangten min assimilate-na tur hian kawng a inhawng zau dawn niin a lang a. Kan Chief Minister zahawmtak, kan House Leader-in a sawifo ang khan Mizoram-ah hian floating population nuai khat singnga atanga nuai 2 inkar an awm a ni tih a sawi a ni. Khang hote tan khan kawng a hawng vek a ni. Chuvang chuan, ngun taka ngaihtuah a ngaiin ka hria a. Registration of street vendors tihah te pawh hian

tuna an han sawi tak ang khan pakhatna-ah chuan kum 18 chin chunglam zawng zawng chuan an dil thei vek, an dil chuan hetah proviso – ah khan reject emaw, engemaw anih loh chuan a hun a tih ah chuan an hmu dawn a ni. Chuvang chuan, tunah hian kan thirchhezawng zawng zawng leh thildang zawng zawng hian license an nei dawn a ni.

Tin, ka bial hi ka fang a, tun tumah hian, thla khat leh tih zet ka fang tawh a, in 2000 chuang zet in tinah lutin ka tlawh tawh a ni. Chungah chuan ka bial chhungah chuan New Market leh Market-a vendor tam takin ei an zawng a ni. Chunga an harsatna zawng zawngte chu min hrilh a, chu chu ka'n ngaihtuah hian he Bill hi chu tih chi ah ka ngai rih lo a ni. Hnamdangin an chimral dante, Mombati zuarte, chi hrang hrang ti mai ang, Sahdah zuarte khatiang chi hrang hrang khan Bazar-ah an zuar a, thil an ti a. Khangah khan khawchhak lam atanga lo kal emaw, hmar lam atanga lo kal emaw, khawthlang lam atanga lo kal emaw, khang khan ka bial chhung ami a sang tel dawn hi harsatna a siam a ni tunah hian. A aia tlawmin an hralh a, hetah back-up-tu tha tak tak an lo nei a, khawi khawi atangin emaw maruari thil an la a, khatiang khan tlawm zawkin an hralh a, khang khan reilo te ah kum 2/3 hnuah chuan kan Mizo vendor te hi Vai vendor in an thlak vek dawn tih hi a chiang tlat mai a ni. Chuvang chuan he Bill hi ngaihtuah chian a ngai a, kan executive-te pawh hian ngun leh zualin ngaihtuah sela, tun tumah hian kei chuan pass mai chi ah pawh ka la ngai lo. A nihna tak tak a grass root atanga ka'n zuk thlir chuan hetia ngaihtuah puat chuan a tha e, Municipal Bill te pawh kan ngaihtuah a, kan pass a, a tha tho mai. Amaherawhchu, a in mal te te, an eizawna te te, mimal te te ina harsatna nitin zing dar 6 atanga tlai dar 6 thlenga an hnathawh a Cheng 200/300 an hlawh theihna tur te zuk chhut chhuah a, han ti ti pui neuh neuh chuan, vawinah hian he bill hian khang ho harsatna kha siam that ka lo rilruk a. A aia tha zawka din dan tur leh venhim dan tur leh uluk zawka eizawna an hmuh that dan tur kei ka lo ngaihtuah laiin hetiang ang Bill-ah hi chuan harsatna kan tawh dawn a ni. A bik takin ka bial chuan kan tawh nasa leh zual dawn. Chuvang chuan ngun taka kan ngaihtuah a ngai a, hetiang thil ti tur hi chuan Municipal Bill-ah te pawh khan Opposition-te kan inrawn a, kan sawihova, tah chuan a tih dan tur tha nia kan hriatah kan kal a ni. party tin kan inrawn a, tunah pawh hian hetiang bill turah hi chuan Party tin kan inrawn a ngaiin ka hria. Chutianga kan inrawn a, kan pass loh chuan a harsa ang, Parliament-ah pawh tunah kan hmu, an inrawn nasa, Hazara ten thil an tih chungchangah pawh nasa takin party ngaihdan an la a ni. Chutiang anih loh chuan, vawinah hian kan naute, kan thlahte lo kal turte tan hian thlan kan laihsak dawn a ni tih hi kei chu he Bill atang hian ka hmu tlat a ni. Chuvang chuan, uluk takin ngun takin, i ngaihtuah ang u, sawahk a tih mai maina chi a ni dawn lo a ni tih kei chu ka ngaihtuahna anih avangin he Bill hi chuti mai chuan pawm a harsain ka hria.

Chapter 5 a registration No. 3 ah hian kan chhiar ang a Pu Speaker, i phalnain, I the Town Vending Committee or the Officer authorized by the Town Vending Committee as the case may be is satisfied that the application is in compliance with the provision of this act and the rules or scheme made their under he shall registered the name of the street vender a tia ni. He laiah pawh hian officer hi tunge awm dawn kan hre lo a ni. Officer hian Vendor Committee chu lo awm mahse officer hi Vendor Committee emaw officer a authorized ang a. Tu emaw keimahni min lainat lemlo lo awm ta sela, hei hian a pe thei tlat. Khawiah emaw proviso hi kan dah a, helaiah hian locality te, anmahni area chhungahte duhsak bikna engemaw a awm ang, chungte chu tlema ngaihpawimawh deuh bik an ni ang tih te emaw, proviso te kan dah anih loh chuan application dil zawng zawng hi

hmu tur ang tluk a ni, above 18 years an nih chuan. Chuvang chuan floating population, kan population hmun 5-a thena hmun 1 (1/5) hian tunah hian kan ram hi kan Chief Minister zahawmtak leh kan House Leader zahawmtakin a sawi ang khan tunah hian kan ramah harsatna an siamna tur kawng a in hawng a ni. Kawngkapui zau tak a inhawng a ni. Chungyang chuan he Bill hi kei chuan pass mai chi-ah ka ngai lova, amaherawhchu, condition-te awmin kan siam tha leh ang e, provisio-te kan dah ang, chutiang khatiing tih te emaw, tin, rules and regulation-ah te kan siam tih te awm sela, rules siam dan tur pawh hi mumal takin himna tawh tur tha pawh hi ka hmu lova, ka hma lawkah pawh an sawi a, restriction awm theihna tur chi pawh a awm lem lova, khavang khan a bill atang hian kan fimkhur a ngai a, chumi hnuah hei hi con-census-in party-tin ten i ngaituah nawn leh ang u. Chutiang lo chuan harsatna kan ramah kan thalaiah te, mirethei VIP te chungah hian harsatna an lu chungah meiling kan chhek thei a ni tih hi vawiinah ka sawi duh a. Condition mumal taka siamthat leh tur leh a rang thei ang bera amend turte anih loh pheh chuan kei chu vawiinah hian pass chi ah ka ngai lo a ni. Pu Speaker, ka lawm e.

Pu LALDUHOMA : Pu Speaker, i kaihhruaina hnuaih resolution-te, rules-te lungual takin kan pass thin a, a nawm thin tehlu nen he Bill hi chu anih ang ang hi chuan keini chuan kan pass pui thei dawn lova, kan hnam tan economic assimilation, a dawt lehah political assimilation thlenga kawng inhawna tur a ni a, chu chu ka'n sawi fiah ang a. A hmasain Committee on Subordinate Legislation hi Assembly-a kan Committee peng hrang hrang zinga pawimawh tak pakhat a ni a, Subordinate Legislation a thut reng reng a eng Department pawhin rules an passed tawh hnuah en hian hei chu siamthat a ngai lo ve tia pawm mai theih hi pakhatmah a awm ka la hre lo, siamthat ngai a la ni zel a ni a, kum tam tak chhunga an lo hman tawhte pawh a ni. Chu chu a Department-te mawhphurhna a ni a, Minister mawhphurhna a ni a, Cabinet pumpui mawhphurhna pawh a ni. Tunah pawh Subordinate Legislation hian chai ngat ila kan ngaihthlak tawh hnuah khan tihthat ngai a awm pheng phung a, vawikhat withdraw tawh hnuah pawh ala chuti cheu a ni. Khang kha chu ala ziaawm, mahse thil pawl lutuk thleng thei a awm a ni. Thil nawi deuh ka'n sawi hmasak duh chu Act kan passed reng rengin rules siamna provision a awm thin a ni, hetah hian rule making provision a awm lo reng reng a ni. A awm chhun chu local area atana Vending Committee-te khan by law te anmahni tan an siam thei tih a awm a, khang ho hman tur kha Town Vending Committee-te rawnin Rules siam theih a ni bawh ang tih a ni a. Kha kha rules kan siam dan a nilo hrim hrim. Town Vending Committee-te pawh a awm hma hauh khan a rules a awm hmasa tur a ni. Anni te rawna rules siam tur kha chu anmahni Vending Committee-te bik tana a bila an hman tur rules kan siam dawn alawm. Tichuan, anmahni nena indawr chu a tha ang. A Act pumpui tana a rules pumpui siamna tur hi a awmlo hrim hrim, hei hi dan kalhmang a nilo a ni.

Tin, a huap tur hi hrilhfiahnain a sawi ang hian municipal a awmna kherah lo pawh, village level-ah pawh a tulna apianga tih theih turin he dan hi siam a ni a. Entirnan, Selingah te pawh a ngai nghal ringawt mai a ni. Lengpuiah te pawh a ngai nghal ringawt mai a ni, an hmang ve duh nghal vek dawn a ni. Khatah khan engtingge Municipal Commissioner emaw, Chief Executive Officer emaw a han chet vel a, a practicable lo hrim hrim a ni. Chuvangin, khang rural area-a Town Vending

Committee constitute dan tur kha provision hran kan nei tur a ni. Chairman tur khan anmahni khua-a mi an awm a ngai. Tuna a awm danah hi chuan village level-ah pawh hman theih anih tur thu kan hriat rual rual hian Aizawlah Chairman a awm vek dawn a, a ngaihna a awm lo. Chuvangin, hengte hi ngaihtuah chian loh a niin ka hria a. Tin, rural area-ah khan kha kha a lo ding ta ang a. A administration, a enkawl kha UD&PA in a khawih leh si dawn anih chuan LAD nen hian a function kha sawifel/chinfel deuh kha a ngai hrim hrim a ni, town planning te an khawih dawn si a, helai pawh hi thil incontradic deuh a ni. Tin, fee te an khawn thei dawn a, sum an la ve dawn a ni. Chung an sum lo dawn chu engtinngge an hman ang ? Treasurer-te an awm dawn em ? Financial Secretary-te a awm dawn em? A hman dan tur lam hi a awm reng reng lo. Cheng khat pawh an hman theih lai dan tur hi a awm bawh hek lova. Hengte hi a famkim lo a ni.

Tin, a pawimawh ber a tawp nana kan sawi duh chu, nichina kan ngaihtlak tawh ang khan mi reng reng kum 18 tlingin a dil theih vek ritngawt, eligible ni vek ringawt kha a tih chi loh reng reng. Kan rama kan buaipui chu sumdawngin hnam dang Mizote ngeiin an license-te hman hawh tirin an hmingin an sumdawn tir a, kan NGO te pawh an buai a, hei hi problem a ni tawh. Chutih laiah ILP an issue a, ILP a ni mai a, trade license chu a hran daih a ni. ILP a trade license-a sumdawn theihna an lo pek hnem theih zia, Session hmasa khan hetah ngei hian ka pulut a ni. ILP hi sumdawna a nilo reng reng. Sumdawna trade license neih theih dan chu ILP kum hnih khat valid an neihin chutiang chu tlemte chauh an ni. Chuvang chuan, tuna a lan danah hi chuan vai pawh, hnamdang pawh nothing population kan tih, chhungkua rawn kal leh pawisawi a haw leh daih te pawhin an dil theih vek dawn a, kan Mizo hnahtlak zing atangte pawhin. Tin, ILP nei ho hian an dil thei vek dawn a, trade license an nei der si lova, khami khuahkhirhna dan a awmlah chuan a pawh khawp ang. Hei hi Municipal Area atan chauh a nilo. Thingtlangah pawh rural area a hman theih turin kan duang a ni tih hetah hian a inziak kuau a ni. Chuvang chuan vending an tihna tur area, khua, an awmna veng, resident dik tak an ni tur a ni tih provision-te hi a awm loh chuan pass chi ah ka ngai lo. A hlauhawm, kan hnam tan pawh kan sawi ang. Chuvangin kan sorkar pawhin ngun takin ngaihtuah tha leh sela, withdraw leh sela ka duh a ni. Tichuan ngaihtuahna hmang nawn leh sela. Tha an tih leh party dangte pawh min rawn sela. Urban area-ah chuan hnamdang kan thliar hrang thei lo. Municipal awmnaah chuan technically-in hei chu a theih loh an ti a nih pawhin a theih chin rural area ah tal khan kan hnam kan himna tur hi chu a awm tur a ni. Hnamdangte nena sumdawna kan inchiapiaha kan him tlan vek theihna dan rawn put luh rikngawt hi hnam ngaihtuahna kan nei tawh lo em ni, ka ti a ni. Chuvang chuan he Bill hi heti maia kan pass chuan a hlauhawm khawp ang, a pawh thui khawp ang, i ngaihtuah nawn leh ang u. Withdraw leh thei se ka duh a, ka ngen bawh a. A nih loh pawhin a rules atang hian, hei hi kan rawn take care ang tiin, assurance min pe sela. A rules-in a rawn take care dawn a nih chuan, min assure theih chuan pass pui mai pawh tha kan ti tho a. Amaherawhchu, a rule making provision ber kha a awm mang bawh si lova, han ti dawn ilangin a buahtlak leh tlat a ni. Chuvang chuan a rule making a awm lai leh a law, by law making provision awm lai hi chu a Local Vending Committee tan khan a ni leh bawh si a. Anmahni te nena inrawna siam turte kha an ti leh tlat bawh si a, a dik thei lo a ni, hei hi chu. Chuvang chuan Pu Speaker, thahnemngaihna thil a ni a. Chuti taka hmanhmawhtlak pawh a ni lo, he thil hi. Ngaihtuah nawn leh chu a ngai. Heti hi chuan kan pass pui thei lo che u, kan ti chung chung a kan in hrut lui dawn a nih chuan a pawh khawp ang. Sawi tur a tam duh khawp ang, a hnu zelah

pawh. Chuvangin withdraw leh emaw assurance inpek emaw zawnga kalpui theih ni se a lawmawm hlein ka ring a, ka'n ngen bawka a ni e. Ka lawm e.

Pu NIRUPAM CHAKMA : Pu Speaker, ka lawm e. 'The Mizoram Street Vendors (Protection of Livelihood and Regulation of Street Vending) Bill, 2011 Minister zahawmtak Bill hi ka support duh a. He Bill hian Chakma District Council area-te a huam lova. District Council area tan pawh hei hi siam ngei sela. Pu Speaker, kan ngaihthlak ang khan hlauhna, kan member zahawmtak takte sawi atangin hlauhna te chu an sawi chhuak a. Ka ngaihndan chuan Pu Speaker, hlauh tur pakhat mah a awm lo. He Dan a awm loh vangin problem hrang hrang kan tawka a ni tih kha chu a chiang a ni. Without regulation street vending te duh duha mipuiin thil an zuar thei te, Burma mi emaw, Bangladesh mi emaw, Silchar mi emaw tu emaw thil zuar thei chu an awm a ni. Chuvangin a rang thei ang berin he dan hi implement ni thei sela Mizoram chu a him a ni. Engatinge kan hlauh? Tunge kan hlauh?. Hemi implement-tu hi kan hlau maw?. Mizoin kan implement dawn a ni lawm ni? Mizo leh Mizoin no-confidence move ringawt te chu a diklo. Tunge Town Committee ni dawn. Chairman pawh Mizo a ni dawn a, license siamtu pawh Mizo a ni dawn a, Burma mi licence kan pe dawn ami. Rules ah kha kha a pekir dawn a lawm. Legislation dan a ni a, Bill hi, Act pawh a la ni lo. Passed hnuah Governor-in a assent ang a, Act a ni mai dawn a, chumi atan chuan By-law te, Rules te kan siam dawn a ni. Tuna hlauhna zawng zawngte chu Rules chhungah pek kir theih alawm. Nidangah pawh dan hrang hrangah khan kan tih dan a ni a.

Member thenkhatte sawina spirit kha a diklo ka ti, Pu Speaker. Kan ngaihtuahna hi fimkhur ila, mipuia zirtirna tha lo zawng kha chuan a tha miah lo. NLUP chungchangah pawh mipuia zirtirna thalo tam tak kan tuh tawh a, a bikin opposition member, hei Dr. Thangte-a thusawi chanchinbuah a lang a ni. Special Plan Assistant 234 sorkarin a pek, hei Pu Speaker, a lehkha, in the context of zirtirna thalo a sawi a ni mai a. Special Plan Assistant Grant 16.11.2011 ah 234 crore NLUP tan liau liau Central sorkarin sanction a pe a ni. Hei hi department sum pawh hek a ni lo. Budget chu kan MLA ten an hre vek. We all know what is the budget, what is the budget provision. A relevant alawm, zirtirna thalo chungchang ka sawi a ni mai a. Chungah chuan he Bill-ah pawh zirtirna thalo zawnga he House a sawi kha chu a diklo ka ti a ni. Midang ngaihndan chu ka hre lo.

Chuvangin Pu Speaker, Mizoram kan hruainaah hian mipuia zirtirna a tha lo zawngin kan hruai chuan, kan hruai duh anih chuan eng vak kan thleng lovang. Chief Minister zahawmtakin Puja a hmang pawh an sawi duh chuan engnge a thatlohna awm, mipuiin an sawm miao chuan a hmang mai ang chu. Chuvang chuan Pu Speaker, kan ngaihtuahna hi District Council chhungah chuan a area-te pawh hetiang hian anmahniin Dan siam sela tih kha ka sawi duh a. Tin, nichina ka sawi tawh ang khan Rules-ah te chhiar anga, Dan mumal takin siam anih hi. Tin, entirnan Section 12 (a) why that on completion of a specified to your no responsive receipt by the applicant about rejection no deficiency in the application the applicant shall be deem to have been register tih kha chu a awm ngei a.

Amaherawhchu, the Town Committee shall not summarily reject the application without giving the applicant and opportunity to rectified the efficiency it any and hearing him tih kha chu pahniha 12(2) ah awm ve a ni. Chumi awmzia chu miin an apply ang a, a application hi reject leh reject lo hearing awm ngei tur a ni. Hearing

opportunity pe lovin reject tur a ni lo tih chu provision ah an dah a. Chuvangin hlauh tur pakhatmah a awm lo, nge ni perception/hlauhna mipui thinking a hlauhna a awm chuan khawiahmah damdawi awm lo, keimahni bawkin kan implement dawn a, chuvangin Pu Speaker, Mizo leh Mizo No Confidence move chu ka duh miah lo.

SPEAKER : Tunge sawi leh dawn, sawi tur kan awm tawh lo em mi? E.
Dr. R. Lalthangliana, mahse hun hi a kal viau tawh a nia.

Dr. R. LALTHANGLIANA : Pu Speaker, minute hnih khat lek ka sawi ang. Kan member zahawmtak tak helama thute khan duhthawhna hawi zawng leh fimkhur a tulna zawng sawi kha an ni a. Thil hi a pawng ataka hlauh tur phe chu a ni lova, amaherawhchu, kan tunlai khawvelah hian dan leh duna inhungna fel tak kan neih loh hi chuan thil kan tih hi a remchang tawh lo riau mai a, wording chhete pakhat pawh hian kawngro thui tak a su a, chhiatna kha a thlen thei a ni tih kha kan hre chiang a. Chuvang chuan a chip chiarin ka sawi dawn lova, amaherawhchu, ka chhiar chhuak a, vawi hnih vawi thum, printing mistake ti mai ila patten error tih zawng chuan a awm em em chu a ni lova. Amaherawhchu, Pu Duha han sawi ang deuh hlek khan a rules siamna tur ang chi thil pawh kha fel takin helai han lak chhuahna tur ang chi hi a hmuh theih tlat lo mai a. Zoram Street Vendors (Protection of Livelihood and Regulation of Street Vending) hi kan neih hrim hrim hi chu a la tul hun awmin ka ring a. Amaherawhchu, kan nei dawn anih pawhin fimkhur deuh hleka kan kal hi chu a la tul khawp mai a. Subordinate Legislation Committee-ah hian kan awm a. Tunah hian kan Chairman a taima baw a, theihtawpin tan kan han la ve a. A sentence by sentence hian kan chhiar hi a ni ber mai a, wording thlengin a tha khawp mai a. Kawng leh lamah chuan kan Minister pawhin tlawmngaih thilah a lak pawh ka ring chuang lo va. Hei hi Cabinet meeting-in a tir lama uluk taka in ngaihtuah anih ka ring tho a, thil kan han tih dawn hian a bik takin he mi Chapter 4 a registration of Street Vendors kan han tih chungchangah te, hengah te hi chuan thil chiang deuh kek kawka kan ziah ngam tulin ka hria. Thil fel deuh hleka kan tih loh chuan a floodgate ti mai ila, a huk a mi an lo luh theihna tur ang chi te la inhawng ang zawnga thil hmuh theih hian a awm tlatin ka hria a. Chuvang chuan kan fimkhur a ngaiin ka hria a. March thla-ah te pawh Session kan la nei leh dawn thovin ka ring a. Chung hunahte pawh chuan a tul anih chuan rawn chhawp chhuah ni ta sela a that ka ring deuh hlek a. Thil nidanga kan han tih nen hian a inan lohna lai hi a awm deuh hlekin ka hria a. Fimkhur taka kan kal kha a thain ka hria a. Kawng lehlamah chuan dan leh dun mumal lo lutuka kan kal hian a fel lo a. Chumi ngaihtuahna zawnah kan Minister zahawmtak pawhin India ram hmun danga thil tih dante pawh enkuala ti chu a nih tho lai khan kan ram bikah hian uluk taka thil kan ngaihtuah a thain ka hria a. Chuvang chuan hun danga ngaihtuah tur chi hian la rawn chhawp chhuak leh mai sela tih kha helam chuan kan duh deuh a ni.

SPEAKER : Tunge sawi leh tur kan awm em? Hun tlemte kan la nei a. Kan buk tawh mai dawn em ni?

Pu LAL THANHAWLA, CHIEF MINISTER : Pu Speaker, tuna kan Bill ngaihtuah lai “The Mizoram Street Vendors (Protection of Livelihood and Regulation of Street Vending) Bill, 2011” hi kan thiam ang tawk leh kan hriat phak ang tawk tawk chuan kan ngaihtuah ve a. Mahsela, thil hi vawikhatah famkim mai hi a harsa a. Tuna member zahawmtakte, a bikin Pu Lalduhoma leh Pu K. Liantlinga te sawi laite pawh kha a dik vek mai a ni. Tin, Pu Nirupama han sawite pawh kha a dik tho a, kan member zahawmtak Pu Thangtea han sawi thlengin. A venna hi a pawimawh lai chu a ni a. Tunah pawh hian trade license chungchangah hian harsatna tam tak a awm a. Tin, a hmang dik lo tu hi hnam dang aini keimahni ram leilung fate hi kan ni deuh zel a. Tunah pawh hian vai kawpa sumdawng hi ram leilung fate zel kan ni a. Keimahni leh keimahni kan inbum a ni ber mai a. Chumi han ven tumna te pawh kha thui takin a kawka a. A Minister zahawmtak dinhmunte pawh kha han ngaihtuah ila, hun hmasa-ah tlawmngai takin tha duhna avangin a withdraw tawh a. Tichuan, han ennawn leh a ni a. Thiam ang tawk leh phak ang tawkin Council of Ministers-ah pawh mithiamte pawh rawnin, mahselangin, a la famkim lohna an sawi kha ka pawm thlap mai a. Famkim lo chung chung a pass te pawh kha tih dan tur ni awmlo tak a ni a. Amaherawhchu, Act alo nih hunah khan a Rules kha chu siam loh theih a ni dawn lova, helaiah hian khami clause kha alo awmlo palh anih pawhin Rules kha a nei ngei ngei tur a ni mai a. Chuvangin tuna hlauh ang zawng zawng kha ram leilung fa zawng zawngin kan hlauh a ni a. A hlau lo bik pawh an awm ka ring lova. Tunah pawh hian dik tak chuan pawnlam mi kan thawh theih ngawih ngawih, kan thawh duh loh leh peih loh hetiang thawka kan ram sum leh pai min rawn tawmpuitu hi kan buaipui a, a bank chhe mite nen lam. Chuvangin heng ang zawng zawng danna hi kan mamawh a. Kan hotuten thiam ang tawk tawkin an ngaihtuah a, mahse alo famkim lo a ni tih kha tuna kan ngaihthlak atang khan a lang a. Chuvangin dante chu kan duh hun hunah, tul kan tih hun hunah kan amend thei a, helaia member-te kan in lungrual phawt chuan. Tin, a Rules-ah khan tuna member zahawmtak Pu Lalduhoma leh Pu K. Liantlinga te rawn sawichhuah kha chu telh ngei ngei chi a ni. Dana kan inven loh chuan nakinah keini aia phakar zawk kha kan ngam loh hun ala awm thei a. Chuvangin Dana kan in khuahkhirh tlat hi a pawimawh a. Member zahawmtakte khan a bik takin member zahawmtak Pu Lalduhoma phei kha chuan khang ang kha assurance a awm chuan a pass pawh kan hnial hranpa lo a ti a. Dik takin a Minister tak pawh hian khatiang loophole ang chi kha chu plug a duhin ka ring a. Amaherawhchu, keimahni lam famkim lohna avangin tuna a bill-ah khan a rawn tel lo a ni mai thei a. Chuvangin tuna kan ngaihawh ang zawng zawng leh pawimawh kan tih ang zawng zawng chi kha chu member-ten thahnem ngaiin min pass pui phawt sela. Amaherawhchu, a Rules siam hunah take care ngei ngei tur, khamiah kha chuan a khuh ngei ngei tur chi a ni a, chutiang chuan a kal theih mai lo em ni, tih kan ngen a ni.

S P E A K E R : Awle, kan hun alo tawp ta a, kan chhun chawlh hun. Kan chawl rih ang a, dar 2 ah kan sawi chhunzawm ang a. Khami chhung khan Common Room-te pawh in nei tawhin ka hria a, sawti laiah sawn office lamin an siam sak tawh che u in ka hria a, party hrang hrang pawh a thutkhawm nghal theih mai kha. Chungah te pawh chuan han sawi mam mam ula, a khirh lai sawi dam dante pawh a awm ang a. Tichuan kan chawl rih ang a, dar 2 ah kan thu leh dawn nia.

2:00 P.M

S P E A K E R : Sawihona kha mi 10 in kan sawi tawh a, chuan la sawi duh nei kan la awm em ? Pu Chawngtinthanga.

Pu CHAWNGTINTHANGA : Pu Speaker, ka lawm e. Member-ten thahnem an ngai a, an fimkhur hle a, a ngaihnaawm a, ka sawilo ang chu ka ti a, mahse ngaihnan han sawi ve a thain ka hria a. I veilama kan member zahawmtakte khan hlauhthawna lian tak an neihna chhan leh hemi kan bill-a an rawn attack deuh bera ka lo hriat dan chuan chapter 4 ami kha 11(1) 'Every person who has completed the age of 18 years and intends to do street vending shall make an application for registration as street vendor to the Town Vending Committee' tia every person kha a huamzau lutuk a, hei hian a huamzau em avangin kan tan a hlauhawm e, an ti niin ka hria a. Amaherawhchu, kan hriat theuh angin Indian Union hnuaia a component state-a unit khat kan ni ve a. India Constitution hian kan zavaiin min phuar a, dan zawng zawng hi a bulthut leh a lo luanchhuahna, a source chu India Constitution hi a ni tur a ni a, chuvangin, dan kan siam hian discriminating law siam a thiango reng reng a. Chuvangin, helaiah hian inhumhalh takin every Mizo emaw lo ti ta ila, constitutional violation a awm dawn a, unconstitution alo ni anga. Dan kan siam hi constitutional court-ah challengeable a ni nghal dawn tih hi kan hotute hian an chang a, kan Minister zahawmtak pawh hian a chang hle niin ka ring a. Tin, kan cabinet-te pawhin an ngaihtuah lai hian heng hi an hre phak a, an hmuchiang hle niin a lang a ni. Chuvangin, hei aia na hian Danah chuan a wording an kal hi a thiangan a lang lova, chuvangin, thiam takin a venna hi an rawn siam nghal a ni tih hi alang reng mai a. Chapter 2 ah khan tiang hian a inziak leh a, 'For the purposes of this Act, the Government shall frame, by notification, a scheme which may specify all or any of the following matters, namely' a tia. (a) – naah chuan, 'the form and manner of grant, renewal, suspension or cancellation of a registration certificate for, and issue of identity card to the street vendors' a ti a. (e) - na ah hian, 'the form and manner of grants, renewal, suspension or cancellation of a licence tihin a dah leh hmiah mai a ni. Hei hian a rawn veng tha hle in kei chuan ka hmu a, a form an siam ang a, renewal theih nan, grant theih nan suspension cancel theih dan an siam dawn a ni khami form ah khan. Kan vendor-te, kan mipuite hetiang a vending-a eizawng ho an him theihna tur khan kha form khan thiam takin a rawn prescribe dawn a ni a. Chuvang chuan, ka hmuh dan chuan kan hotute hian an va han en chang tehreng em tiin ka ngaihtuah zawk nghe nghe a.

Tin, chubakah phok 11-na Power to make Rules-ah khan a general powers pekna clause 1 a awm a, a particular powers pekna clause 2 a awm leh a. Clause 1-ah khan general takin The Government may, after consultation with the Town Vending Committee, by notification, make rules for carrying out the provisions of this Act, he Act pumpuia provisions zawng zawng carry out-na atan hian sorkarah rules siam theihna power hi hauhin a awm a ni. Town Vending Committee hi chu a rawn ve ang a ti mai chauh a ni a, kha kha invenna tha tak niin a awm a. A pahnihaah khan a particular khan a general power-te piah lamah khan a particular a zuk tih dan tur bikte a sawi leh mai a ni a. Chuvang chuan, kan thianten an thahnemngaihna avanga an han hlauhthawn kha hlauhthawn tur a awm love, he Act-ah hian a provision hrang hrang kan han en hian he bill-ah hian amah hi a inveng sa thlap niin ka hria. Chuvang chuan, kan thianten an thahnem ngaihna avanga an hlauhthawna thu an rawn sawite ngaihtuah reng chungin he bill-in a provision a

siam hnuaiia rules siam turah te, form siam turahte khan hlauhthawanna zawng zawngte kha take care tura ngaihtuah reng chungin he bill hi pass mai nise, tiin ka support thu ka rawn sawi a ni e. Ka lawm e.

S P E A K E R : Awle, kan sawihonaah mi 11 lai an participate tawh a, kan bill a pawimawh a, bill thar tur a ni a, kan ram tan fimkhur ngaite kan inhrilh tawk viau tawhin a lang a. Engpawhnise, Minister sawm tawh mai ila, ani khan han sawifiah ngai leh engemaw sawifiah tur a tihte min han hrilh leh sela chutah chuan pass han dil nghal mai sela, i lo ko vang.

Pu ZODINTLUANG, MINISTER : Pu Speaker, ka lawm e. Vawiinah kan bill putlulh kan member zahawmtakten min tuipui a, chipchiar taka min lo chhiar sak avangin member zawng zawngte chungah lawmthu ka sawi hmasa duh a. He House zahawmtaka kan ramin hma kan sawn zelna turah te, a ram chhung mipui kan lo him zawk theihna tur atan he House zahawmtaka kan member zahawmtakten an thahnemngaihna zawng zawngte kha a ropui ka ti a. Kan ram, kan hnam, kan tu leh fa lo la kal zel turte tana an thahnemngaihna te, an rilru an senna te kha a ropui ka ti a ni.

Tin, kan Bill hi kan enchian chuan to provide for protect-tion of life...of urban street vendors and to regulate street vending and for matters connected herewith or incidental thereto tih a ni a. Kan bill-in a rawn tum ber chu urban chhung, khawpui chhung urban area kha a ni deuh tih a ni a. Tin, sorkarin hmun hrangah te lo ti ve leh duh ta ila hemi bill atang hian a loop hole ve deuha tih phalna tur ang chi pawh kha a awm a ni tih explanatory note-ah khan kan rawn ziak tel ve a.

Tin, kan member zahawmtak Pu C. Ramhluna rawn point out min rawn hrilhfiah sela a tih kha - hei kan han uluk a, a hmasa pawh khan Pu Speaker, typing mistake a tam a min lo hrethiam rawh u kanti a, tunah pawh khan pheh 5-na, 6na, 1na vending person hi engnge a awmzia min rawn hrilhfiah teh se, a tih kha Pu Speaker, hei pawh hi typing mistake ala ni a, helaia a sir lama temporary association of person with Town Committee tih nilovin, temporary association of person with Town Vending Committee tih tur kha, khalai vending awm tura kha helaiah hian a lo tawlh phei palh a ni a, kha kha kan member zahawmtak khan min lo hriatthiam sak sela, khalai kha chu a chiang maiin ka ring a. Tin, kan member zahawmtak Pu Lalthansanga rawn sawi CEO aiah hian Chairman ni thei sela, Chairman Municipal Council-te hi a tha lawm ni a rawn tih kha, Pu Speaker, sorkara hnathawk tak taka official-te nena committee tur hi chuan Municipal Council Chairman-na hnuaiiah tho CEO kha awm a ni a. Entirnan - State sorkarah pawh Chief Minister kaihhruainain Chief Secretary Chairman-na hnuaiiah Committee tam tak a awm a, khang ho khan an kalpui a, khang kha Minister-in sorkar duh ang khan kan official-te khan an kalpui a ni a. Kan Chairman-te tana kan elected Chairman-tena khang zawng zawng a nitty-gritty-a khang committee pui kha chu anni tan harsa tak tur a ni a. Chuvang chuan kan CEO tena khatiang Committee an lo neih pui a, hetah chairman kaihhruaina hnuai tho a ni dawn a ni tih kha ka rawn sawifiah duh a. Tin, a dang zawng hi chu Pu Chairman, a khaikhawm theihin ka ring a, kan member

zahawmtak takten nakina a hlauhawm tur zia thu an sawite pawh kan hria a, member-ten an rawn sawi a, he bill hi vawiinah kan mamawh tawh tak zet a. He Bill hi kan neih loh chuan vawiinah a duh apiang, registration pawh awm lo, eng ang mi nge an nih tih hriat pawh awm lo. Khitah kan han chho a, Vanapa Hall kawtah kawng sirah an lo thu a, han bia ila pai deuh deuha min chhang pawh an tam. Sunday-ah vaipa mix zuar Biakin kawt tinah hmuh tur an awm a. Chutiang chuan a duh apiang an duhna hmun hmunah an kal a. Tin, member zahawmtak Lt. Col. Z.S. Zuala rawn sawi, in lampanga kal angte pawh kha he Act hian Pu Speaker, a rawn khaikhawm tel vek a ni. Tin, kan member-ten an rawn sawi, power inang ka pe a ni tih erawh kha chu Street Vending Committee khan a lo tih tur chu registration kha a ni a. Khami registration, a duh apiang khan an rawn dil ve ang a, tikhan an lo register ang a, a thlangtu tur chu, licence petu tur chu kan Act-ah hian a inziak chiang a, Local Authority tih hi a ni.

Definition-ah chuan Local Authority kan tih hi chuan Municipal Corporation, 'Local Authority means a Municipal Corporation or Municipal Council by whatever name called or such other body legally entitled to function as local authority in any city or town to provide civic service and regulate street vending and include the planning authority which regulates the land used in the city or town' tih hi a ni ta a ni. Helaiah chuan Municipal Council kan nei a, kha kha local authority a ni mai a. Municipal kan neih lohnaah chuan local authority kha sorkarin tute nge, entirnan - Lengpui angah te chuan VC pahnih/pathum te lo awm ta se chuan Joint VC ang kha nge, nakinah Rules-in a la rawn sawi ang a, kan ti leh duh a nih chuan thingtlanga kan kal duh pawhin. Khang ang kha local authority kha a ruat mai dawn a ni. Chuvang chuan, Town Vending Committee-te khan khami hnenah khan registration an ti ang a, anni'n registration fee-te an lo la ang a, kha kha chu a form fill up-na man ang te, khang khan an lo register ang a. Chutah chuan allotment, a dil zawng zawng kha chu Pu Speaker, thutna hmun hian a daih dawn lo reng reng a. Chung allotment leh licence lo petu chu kan local authority te, vawiina sawlaia Municipal Council chelhtute sawn licence an lo pe dawn a ni. Sawngte saw Pu Speaker, an rinawm tawkin ka hria a. Kan Street Vending Committee pawh kha definition kan en chuan a engloah pawh khan Town Vending Committee. Khamiah pawh khan a member turte Local Authority kan tih chu anmahni khan an ti ang a, Town Planning te, Traffic Police te, khawtlang aiawh te khatiing ang ho khan registration an tih khan duhtawkin an lo en dawn a ni. Chuvangchuan, Pu Speaker, vawiina kan Member-ten an ngaih pawimawh tam tak hi kan Bill-ah hian a awmin ka hria a. Tin, kan House Leader zahawmtakin a rawn sawi tawh a, kan member-ten an ngaih pawimawh zual Mizo fate an lo hima kan inven theihna tur chi hrang hrangte kha chu Rules-ah kan rawn khung ang tih kha he House zahawmtakah kan House Leader-in a rawn sawi tawh kha a chiangin ka hria a.

Pu LALTHANSANGA : Tunah hian Town Vending Committee te kan han ti a, Aizawl City Bus-te kan han ti ta si a. Engatinge hei hi City kan tih mai loh tih lai kha. Hei hi engnge a awmzia aw, Town leh City-ah khan? Enge kha kha kan dah nachhan? Urban deuh bik a ni si a. City tiin kan Transport lampangten an ti ut ut tawh mai baw si a.

Pu ZODINTLUANGA, MINISTER : Nia. A dik khawp mai. A hmingah khan Town kan rawn dah mai a ni a. Tin, kan Bill hi, a Model Bill Central sorkar atanga an rawn siam sa zulzuia siam a ni tih kha kan sawi hawnaah khan kan rawn sawi fel tawh a.

Chuvang chuan Pu Speaker, he House zahawmtak hian he Bill hi lungrual taka min rawn pass sak turin ka rawn ngen e. Ka lawm e.

SPEAKER : Awle, han chhiar tur pawimawh te tiha a pawimawh ber tur zawk phei chu a rule lam atangin kan member-ten in ngaihawh zawng zawng kha rawn zut mam kan tum e te pawh a tih lai kha a pawimawh lai ber a ni awm e. Ni e, kan dan hi a changing street vending act lampang base-a tih a ni a, street vendors tihte alo ni a, amaherawh chu tah hianin town vending committee tih lampangah kan kal leh bawk a. A street leh a town tih te pawh kha confused theih lek lek a awm a. Tin, city-te kan lo neih takah chuan city vending committee tih awmte pawh kha a ni lawm ni tihte pawh kha a dik vek mai a. Amaherawhchu city lamah hi chuan street lampangte pawh tawngkam appropriate zawk ala ni maithei a. Tin, Town-ah erawh chuan town kha ala ni maithei a. Chutiangte pawh chuan ngaihdan zau deuh mai nei ila, dan han nei phawt mai ilangin. Tin, indem hman a nita love, ni a lo kiam sawt em e tih a ni bawk si a, chutiang chu a ni a.

Pu LALDUHOMA : Pu Speaker, ka la chiang tawh lo deuh hlek a, khalaiah khan kan dan ding lai hi a tha tawh e, tih kha ala tel reng deuh tho a. Entirnan, miin a dan dik taka a rawn dil chuan reject theih a ni lo a ni kan danah hian “he shall registal” tih a ni a, shall hman a ni phawt mai a, tin, a dilna form alo ti dik lo deuh anih pawh khan reject a thiang lo, amah koh a, hearing neih tur tih te a ni a, sorkarin kha kha a ti seng lo, miin contract, supply, sorkar hna a dil a, a hmuh loh khan an hmuh loh chhan kha sorkarin a sawifiah zel ngai lo, chuvang chuan amendmend te pawh hi a ngai a, every person tih ringawt hi a him love kan tih piah lamah hian heng hi a awm a ni, sawifiah kan tum mai pawha, khang anga keini lamin kan ngaihpawimawh ang zawng zawng kha kan la ngaihtuah tlang anga, a rules-ah kan rawn take care vek ang an ti hlawm tawp anih chuan good faith-in kan pass-pui ang. Amaherawhchu kan dan hian a huam a, chuti khati a ni thova tih kual vel chung kha chuan kan satisfy chiah lova, eng eng kha nge a rawn tih dawn kan House Leader-in a rawn sawiah kha chuanin rinna kan lo nghat deuh mai a. Mahse kan han sawi chhoh leh zelah hian a dik chiahin a rules siam dan pawh hi, act atana rules siam dawna inconsultation with tih tel hi eng act mah ka la hre lo reng reng, a ni ngai lo hengte hi chu. Chuvang chuanin a act hrim hrim te pawh hi amend te pawh hi a ngai vat ang tih hi ka ringa. A tha kan duh anih chuan. Khalai kha a tul ang ang kan la sawi tlang anga, hei hi chu kan la siamtha dawn nia an ti anih chuan kan pass pui em em ang. Anih lem loha a tha thawkhat, a tlin tho, awm vek alawm tih ang zawng kha anih chuan keini chuan kan ngam chiah lo.

Dr. R. LALTHANGLIANA : Pu Speaker, hei hi a Bill hrim hrim hi kan opposed a ni chiah lo, amaherawhchu thil pawimawh kan neih vawikhatna tur a ni a, tlawmah pawh neih vak turah ka ngai chuang lo a. Hei kan hre vek a, Democracy-ah chuan party-tinte kan awm a hengah hi chuan consensus, lungrual tlanna deuha thil tih kha tha kan tih vang a ni a, a ruling tan pawh kha kha a damin ka ring a. Tunhmain hun hmasaah he House-ah hian khatianga inrawn tlanna ang chi thil kha zau takin kan nei thin a, Select Committee tih thlengte pawh khan. Khatiang nisi lo a tuna a nihna ang ang kan tih a, chulmam tih ang chi lai kha chu helam atang chuan han pass-pui ngaihna a awmin kan hre lo a, kan sawi dan ang nen pawh a inmil lo tih kha ka'n tarlang a ni.

SPEAKER : Pu Lalsawta, Parliamentary Affairs changtu.

Pu LALSAWTA, MINISTER : Kan Member zahawmtaktakte sawi kan ngaithla vek a, kan Minister zahawmtakin a sawi pawh kan ngaithla vek a, tin, kan House Leader pawhin a sawi tawh a. Kan House Leader duh dan ang kha kan ngaih pawimawh pui turah te pawh kan ngai a, House Leader a nih angin. Chutih rualin tuna an han sawi atang khan, “Phuai deuh tak pawhin ti hram hram ila, nakinah rules hmangin kan la chingfel leh ang chu mawle” tih ang deuh hlek khan a ngaihlak theih a. Chu chu keini lam pawh hian chutiang tak chuan phuai tak chung chuan pass kan duh lo a, phuai tak ni pawhin kan hre lova. Chuvangin Rules te, Act te ang, hetiangte hi chu khawvel kalphungah hi chuan Dan hi kan siam a, hun lokal zelah development avang te, thil dang vangin ‘requirement’ (mamawh) dan te alo danglam chhova, chungte avang chuan khawi Dan pawh hi Amendment-te nen a famkim a ni a. “A famkim ta vek e” tih hleihtheih pawh hi a awm lo. Hun alo kal zel khan kum 5, kum 6 ah te chuan siam that leh te pawh a ngai leh thin a, chu chu keini mipui thlan chhuah te’n kan hna ber, kan hnathawhna atana Department hrang hrang kan enkawlana atan kan hna ber, kan bitum tur, pawh a ni reng a. Chuvang chuan kan Member zahawmtakte pawh khan min hriatpui ta se. Tuna an han sawi ang chi kha chu, a then kha chu Rules atanga chinfel chi loh Principal Act-a khawih danglam ngai chi te pawh a awm ve nual ang a, khatiang tak khan an duh anih chuan a la ‘amend’ leh theih zel a. Chuvangin Pu Speaker, tuna a nih anga he Danin eng nge a tum chiah tih hi sawi Chiang ta ila. Pakhatna-ah hi chuan tuna kan din hnuah hi chuan a duh duhin, naupang kum 7, kum 8, kum 10 pawhin thil zuarin a inpho thei a, chung chu Right of Children to Free and Compulsory Education Act te khan alo remti miah lova, chuvangte pawh chuan qualification-ah hian kum 18 chin tih te kha a rawn bithliah a ni maiin a lang a, chutiangte han ngaihtuah chuan a famkim lo lai hi hun lokal hret zelah te pawh tihfamkim leh zelna tur atan Amending Bill te pawh kan la rawn pulut leh ang a. Hetia kan thawhhona tha em em karah hian a famkim lo laite chu tuna an sawi ang te kha ngaihtuah a ni ang a. Hei House-in a hria a, i kaihhruaina hnuaiyah hian heng proceedings zawng zawng hi note vek leh record vek a ni a, chung kan ngaihpawimawhte chu nakinah amendment hmangin kan la siamtha leh ang chu. Tunah hi chuan a nih ang hian pass phawt ila. Duh duhin, tu tualah emaw, tu dawr kawtah emaw a awl lai a pianga an han thu tur kha han veng phawt mai i la. A zualpui hi chu hei hian a ching fel thei ngei ang.

Hetiang Dan hi rei tak kan lo neilo tawh a, kum tam tak kan neihloh hnuah vawiinah kan lo nei thar dawn ta a, han nei phawt ila a famkimlo laite chu dan siamtu kan ni a, dan siamtute chuanin a famkimlo laite kan la tikim leh thin ang chu maw le, chu chu ka’n rawt ve a ni, pass phawt kha a thain ka hria e.

SPEAKER : A Minister khan pass kha a rawn dil em kha? Dil maw, buk mai ila nakinah khan Rules an rawn siam thuai a nga, Rules kha hetah kan Sub-Legislation hovin uluk takin an lo thlir ang, chutah chuan kan pass thei a nih chuan khami atang khanin a Acts pui siam that a ngai a nih pawhin Assembly House-te Mini Assembly kan Sub-Legislation emaw, khami kan Committee emaw khan a la rawn ti leh mai ang chu, sorkar move turin a la rawn ti leh mai ang chu, ti phawt mai ang aw. A nih leh kan buk mai a nga.

Dr. R. LALTHANGLIANA : Kan tih dawn chuan kan chian kha kan duh khawp mai a, uluk taka ngaihtuah lehna tur forum a la awm a nih chuan kawngdang a la ni a, kha kha a kalkawng a ni em ka hrelo va, Subordinate Legislation perview tur leh agenda kan pickup dan tur thin kha a ni em? ka hrelo va, a kawng kha a ni lutuk lo ve thei tlat mai a.

SPEAKER : Rules reng reng kha chu, ni e, kha kha a nia, sorkar Rules reng reng uluk takin an lo en vek a, Rules kha hei hi chu lo siam tha leh ru an ti ang, khami siam thatnain a daih tawhlo khawp a nih chuanin, engahnge Assembly-te an ni a kan committee-te hi, engahnge sorkarah an move theih loh ang ka ti mai kei chuan.

Pu K.LIANTLINGA : Pu Speaker khalai kha a Principle Acts chungchang kha chu Subordinate Legislation khan a khawih kha a rem vaklo mai thei a, mahse, pawimawh zawk nia ka zuk hriat chu concensus opinion lak a, party dangte pawh inrawn a, chutianga a tul principle Acts atanga amendment ngai kha amend leh kha a tulin kan hria, chulai points tak kha a pawimawh a ni, rules kha chu rules a tih theih chin a awm a nga, amaherawh chu Principle Acts chu rules-in a khawih danglam theilo tlat, kha vang khanin khati lai thlengte a nih loh kha chuan party hrang hrangte kan inrawn a, thil kan ti a, lungrual taka kan kal a ngai a, kan duh ber a ni, kan ven theihna tur atan chuan kan duh a ni. Amaherawhchu, hetilaia in open zau lutuk a, principle acts ami hi a thalo lai hi engemawzat a awm avang hian, hengte hi chu concensus-a tih a, la sawi leh chi a ni dawn lawm ni, khangte kha chu assurance-te pawh a pe thei mai lawm ni tih kha ka'n sawi duh a ni.

SPEAKER : Chair atangin ka sawi thui lutuk em ka hrelo va, Vending Committee-te pawh kha a hmangtu tur ber an ni a, a hmangtu tur berin heti deuh hian a tha lawm ni ti a, kha committee lah kha democracy taka din tur kha a ni a, chumiin heti zawng hian a tha lawm ni ti a, sorkara an advice ve theihna kawng pawh hawna lo awm kha a fuh phian lawm ni tihte pawh kha ngaihtuahnah chuan a awm tel ve a.

Pu LALDUHOMA : Pu Speaker, khawngaihin, Subordinate Legislation hi January-ah hian a term a tawp dawn a, kum khat lek a ni a churang chuan anni kuta inngah chu a chiang chiah lova, a tha ber chu a Rules atang hian a damdawi chawh theih ang ang chawh tur leh a Principle Act pawh amend atul anih a han ti turin kan Minister zahawmtak hian kan la sawiho ang a, consensus-in kan la ti ang ti mai sela lungdam takin kan passpui ang a, Minister Act kan tih pawhin amah bawh hian initiative a la a, minrawn a, kan lawm em em a, tha deuhvin kan ti a, heta a luh kha chuanin sawi pawh sawi lovin kan pass thei tawh a, nikhatah kha chuan. Kha kha a hre em em a, amah pawhin kha kha han ti mai se chuan dan tha kan duh a ni mai a, tuna anih ang hi chuanin Sorkar kengkawhtute hian tlin ngaihna a awmlo, a ziak diklo hlek zawng zawng nen khanin ka chhanna a thi tih a awm dawnlo reng reng a, hrilhfiah a an mahni kohva hearing neih vekte a ngai a, zawh loh nghawngkawh a ni hrim hrim. Churang chuan khami tawngkamte kha chu awm sela kan dam tlang a ni mai.

SPEAKER : Anih Minister ko vang aw enge sawi tur a neih?

Pu ZODINTLUANGA, MINISTER : Pu Speaker, nichinah kan House Leader zahawmtak khan a rawn sawi a, he House-ah kan hotupa ber a ni a. Rules-a siam that a ngaih thu te, fimkhur a ngaih thu te, khatiang ang kha a sawi tawh avangin nichin khan ka rawn windup-naah khan sawi tul lovah ka lo ngai a, he House-ah kan House Leader-in a Rules siamthat leh a ngaihpawimawh thu te, khamiah kha chuan keini kan thinlungah chuan House Leader berin a sawi tawh chuan Rules-te hi chu uluk taka enkawla kan Member-ten an sawi zawng zawng kha kan Official-ten an chhinchhiah vek a, a pawimawh zawng zawng hi, kan break lai pawhin kan sawiho va, hengte hi kan ngaihpawimawh a ni kan ti a. Tunah pawh an thua an enkawla an chhinchhiah vek a ni. Hetiang anih vang hian a Rules uluk takin kan rawn ennawn leh ang tih kha sawi ngaiyah ka lo ngailova, House Leader berin a sawi avang khan. Chuvangin Pu Speaker, nichinah pawh kan sawi a, a Rules hi a pawimawh ber a ni a. A hma lamah pawh kan ti hova kan thukhawm a kan sawi thin a, tuntum kan Bill hi a dik tak chuan Central lam atangin nawrna nen Model Bill neih sa an rawn nei hi keimahn State mila thiam ang tawkin kan lo her rem ve a. Chutiang chuan Session hmasaah pawh duhthu a sam loh avangin House atangin withdraw tawh hial a ni a, vawiinah pawh Member-ten lungrual taka min passpui turin ka rawn sawm nawn leh duh che u a.

Pu K. LIANTLINGA : Pu Speaker, kan sawi lawk. Municipal Act chungchangah khan Committee Rules kan siam dawn a, kan han thu khawm a, kan Minister zahawmtak room-ah khan Principle Act amend loh chuan a theihloh tih kha, Rules kha siam theih loh tam tak a awm tlat mai a ni. Helaiyah pawh hian a Principle Act-in a tihbuai ngai tur kha a awm tlat mai a, chuvangin Rules kha a putling thei dawn tlat lo a ni. Chuvangin helai hi chu a Principle Act-te pawh a tul chuan amendment kan siam ang chu tih ni thei sela inrawn tlangin tih te kha a va duhawm ve.

Pu ZODINTLUANGA, MINISTER : Hun kal tawha an hnathawhte kha an nei a nih chuan rawn pulut sela, lawm tlak a nih chuan kan lo ngaihtuahpui ngei ngei ang tih ka ring a. Lawmthu sawina lam ni lova, mahni huang lova, Resolution-te chu a awm. Pu Speaker, bill te chu a that loh na na na chuan bill kan siam fova, Municipal a ni emaw, bill hrang hrang hi a hmantlak tawh loh, Bill an siam hun laia an hman thin amaherawhchu hun lokal zelin a thlak, khami hunin a tawn bill amendment siam ngai, India Constitution pawh vawi tam tak siam a ni a. Pu Speaker, amendment hi chu a tul hun hunah amend theih a ni a. Chuvang chuan heng hi damchhung awm tur a nilova, kan member-ten kan hrechiang a. Kan ram tana tha lo leh kan ramin a thatpui lo a nih chuan engtiklai pawha amend theih a ni tih kha ka han sawi nawn leh duh a.

Tin, a Rules chungchang hi nichina kan han sawi ang khan ka'n sawi nawn leh duh a, kan House Leader paw'n a ngaihpawimawh a. Heng hi chu theihtawp chhuahin rawn siam kan tum dawn a ni. Tin, a Principle Act pawh tuna an rawn sawi ang khan, Act-te hi chu that loh hun leh a relevant loh hun a awm a. A aia tha siam te pawh engtik lai pawhin siam theih a ni ang. Pu Speaker, kan member zawng zawngte lungrual taka he bill hi min pass sak turin ka han sawm nawn leh a ni.

SPEAKER : Le, kan buk tawh mai ang a, remti ti apiangin ‘remti’ ti rawh ule “remti” remtilo kan awm chuan remtilo ti rawh ule. Remtilo kan awm a, amaherawhchu a aw tam zawk khan rem kan ti a, amaherawhchu House zahawmtakah member-ten rilru sengin kan ram tana tha tura an ngaihtuahna kha Rules siam dawnah khan kan Minister-in khawngaih takin min hriat sak sela, tichuan Rules siam dawnah khan tumah sawm theih loh tih dan a awm lovin ka hria a. Chungah te pawh chuan phungbawm pawh insawm hreh loh nisela. Khatihlaiah khan rules siamah harsatna a lo awm a, a Act hi amend a ngai leh ta phawt a ni tih thua te kan tlu ta ngut a nih pawhin, kan Minister zahawmtakin Dan reng reng hi siamthat theih loh a awm lova a ti kha House khanin hrereng ila a thain ka hria e.

Awle, “The Mizoram Street Vendors (Protection of Livelihood and Regulation of Street Vending) Bill, 2011” hi House-in a pass ta a ni.

Tunah chuan tih tur dangah kan lo kal leh anga, Pu Lalthanliana, Minister zahawmtakin “The Lushai Hills District (Village Councils) (Amendment) Bill, 2011” hi House-ah introduce rawn dil sela. Hengte pawh hi Lushai Hills tih kha a la ni ngar ngar a nia, kan Bill amend turte pawh hi. Dan chu tikhan a kal zel mai a ni. Le, Minister Pu P.C. Lalthanliana, introduce turin ilo ko ang.

Pu P.C. LALTHANLIANA, MINISTER : Pu Speaker, i remtihna leh he House zahawmtak phalnain “The Lushai Hills District (Village Councils) (Amendment) Bill, 2011” hi House zahawmtakah introduce ka rawn dil e.

SPEAKER : House-in kan phalsak em? Minister-in introduce a rawn dil a. Awle, kan phalsak a, tunah introduce turin ilo ko ang.

Pu P.C. LALTHANLIANA, MINISTER : Pu Speaker, i phalna leh House remtihna “The Lushai Hills District (Village Councils) (Amendment) Bill, 2011” hi he House zahawmtakah hian ka rawn introduce e.

SPEAKER : Member-te khanin kha Bill kha kan nei vek turah ka ngai a, kan neih vek tawh chuan House-ah Minister-in ngaihtuah turin rawn move rawh se, ilo ko leh ang.

Pu P.C. LALTHANLIANA, MINISTER : Pu Speaker, ka lawm e. Vawiina kan Bill (Amendment) tur hi thil harsa lutuk leh engemaw awmin ka ring lem lova, Member-ten a copy kan nei vek a, tahkhan engkim fiahtakin a inziakin ka hria a.

A hmasa-a han sawi duh, hriatthiamna ka’n dil duh a awm a, helai Amendment of Section 3-ah khan 1,2,3,4 a a principal Act-a inziak kha typing mistake a A,B,C,D tia pek palh a ni hlauh mai a, hei hi kan thawn pheina lamah chuan tiang hi a ni lova, mahse tiang khan alo chhuak palh a, min hriatthiam ka duh hmasa a.

Tin, hemi a financial memorandum-ah khan 2-na (c)-ah khan considering the rates change by tih kha 'charge' tih tur a ni a. Tin, hetah (b) the proposed amendment of section 15 of the said tih kha tihtel loha, entails no financial implication tih mai tur, typing mistake kha Pu Speaker, Member-te hriatthiamna ka rawn ngen pahin ka'n sawilang hmasa duh a.

Vawiina kan Bill Amendment-ina a tum chu fiah takin kan han inpekah khan a awm a. Amendment of Section 3-ah hian Pu Speaker, Village Councils-te seats, a khua a len dan azira village council member an neih dan inziak a ni a. Tunah hian kan V/C te hi an pawimawh khawp mai a, Pu Speaker, Mizoram pum rorelna sang ber Assembly kan neih rualin village level-a rorelna kan neih chu village council hi a ni a. Tin, kawng tinrengah development agency pawimawh tak, department hrang hrang tan, kan ram tan khawtinah an ni nghe nghe a ni. Heng kawngah hian an indaihloh thute, an indaih tawkloh avanga harsatna an tawh hmun tamtakah pawh a hriatpuitute vawiina Member-te hi kan nih hlawm vek ka ring a. Mizorama pawl lian tak mai MUP phei hi chuanin village council member-te hi tun dinhmuna an kaldanah hi chuan an tlem deuh a ni. Development work nasa takin an khawih tawh a, sum leh pai tam tak khawtinah Village Council hnenah te a lo awm tawh a, an kutah engkim a awm tih theih deuh thaw a ni a. Member-te hi a tihpun theih lawmni tihte hial Sorkarte pawh an lo thlen tawh a ni. Chung ang hrang hrang kan Village Council Member-te dinhmun indaih tawh lohna tuna Member nih theih dan an danin a sawi ang hi chuan tihthat ngaite pawh niin hriat a ni a. Tin, chumi piah lamah chuan kan member neih dan hi democracy mipui rorelnaah si chuan a democracy principle hi a tibo thei lo maw tih ngaihtuahna a awm a. Chu chu number inkawpkim ho hi a ni a, tuna kan neih danah chuan pathum, pali, panga leh paruk a ni a, paruk aia tam khawikhua mahin an nei thei lo a ni.

Chutah chuan hmun tam takah party anga V/C inthlanah te kan han chuhin pahnih leh pahnih tlinna te a lo awm thei a, tin, pathum leh pathum tlinna te a lo awm thei a, chungah chuan Sorkarna siam turin harsatna tam takte kan tawh thin a ni. Tin, chumi piah lamah democracy anih reng laiin Village Council-a seat number inkawpkim a awm hian ruling advantage, ruling sorkar lai tan chance tha tak awma ngaih a ni thin a. Tu Sorkarah pawh kan Sorkar hmasaah pawh emaw kan Sorkarah, tun Congress Sorkarah pawh in draw-na tlangpuiah hi chuan a Sorkar laite kan siam tir deuh tlangpui a ni. Amaherawhchu, chu chu thil tha ber, a democracy principle atan a fuh ber em tih ngaihtuah theih a ni a. Chung kawng hrang hrang han thlir chuan vawiina kan Village Council neih dan, kan dan helaia section 3-ina a sawiah hian tihdanglam nita sela, tuna in 200 lehlamin member 3 nei thei sela tih chu kan han rawtnaah hi chuan a ngai a la ni a. tin 200 leh 500 inkarin member 4 tih kha tuna kan han rawtnaah hi chuan 200 leh 500 inkarin member 5 an nei ang a. Tin, a hma In luahlai in 500 leh 800 inkar chuan member 5 an nei ang tih kha in 500 leh 1000 inkarah dahin member 7 nei sela kan han ti a. Tin, in 800 chunglam chuan member 6 nei sela tih kan dana awm lai kha in luahlai 1000 chunglam chuan member 9 nise tiin helaiah hian rawtna kha kan han nei ta a ni. Chu chu helai section 3 Chapter 2 section 3 sub section 2 a clause 1,2,3 leh 4 amemdment angin kan han rawtna dan leh chhan tlangpui a ni a. Tin, amemdment 1 helaia kan han rawt leh a awm a. Chu chu Amendment of Section 15 a ni a, chutah chuan VC fund chungchang ziah a ni a.

Tunah hian 13th Finance Commission kan state sorkar hnuai Local Body kan tih VC te tan hian sum tam tak a ruahman a, chi hnihin, pakhat chu Basic

general, basic grant a ni a, chu chu state tinin kan hmu maia engmah condition pawh chuti lutukin 13th Finance Commission a siam belh lem lova. Amaherawhchu general performance grand a siam leh a, chutah chuan Mizoram tan hian cheng vbc 102.30 crore a ruahman a ni a. Chumi chu kan local body, VC kan tih ten an hmuh theihna tur hian VC te thuneihna belh hi a duh a, an guideline-ah chuan para 649-ah Property Tax Board state sorkarin a din tur a ni a tih angin kan han din a, chumi hnuah local body VC te khan property tax khawn theihna right an nei tur a ni tih kha an rawn duh leh dan a ni a. Chu chu Amendment of section 15-ah hian VC fund tih kha No. 1 a dahin 15-ah hian No.1 leh 2 siamin a 2-naah chuan kan VC ten property tax state sorkarin a property tax board a din ten a tul leh tha an tih ang zela property tax-te kha an khawn ve theihna tur right va pek kha kan han tilang ta a ni a. Hetianga VC te thuneihna right property tax ang chi khawn thei tura kan zu siam hi 13th Finance Commission-in min phut leh beisei dan a ni a. Hemi avang hian property tax an la ngei ngei tur a ni tih lam a kaw k lova, amaherawhchu right an nei a, chutiang ti thei tura local body, VC te hi kan thuam kha 13th Fiance Commission-in an duh a ni. Vawiinah VC thuneihnaah ₹ 500 thleng chawi tir theih tih a ni. Mahse vawiin thlenga VC ₹ 500 mi chawi tir lo VC an tam a ni. Chuvangin helaiah hian ngei ngeiin an pawm tur a ni tih lam kaw lovin, a tula kan ram thang zelah te thil tul nia kan state sorkarte pawhin a hriat pawha VC ten khatiang tih theihna right kha han belh mai a ni. Chu chu Pu Speaker, kan Bill a tlangpui, a tum a ni mai a, chutiang chuan a pakhat zawk, a VC member neih dan kan han rawtna he Bill a lo lut a, tihdanglam a nih khan Mizoram pum khan VC member 329 in a pun phah ang a, tin sum leh paiah a hma aiin kum khatah ₹ 184400/- sum leh paiah kumtin kan mamawh belh tur chauh a ni. Nuai 11 vel a rorelna fel leh tha zawk VC level-a siam hi sorkar tan thil tangkai tak mipuite tan pawha thil tha tur niah kan ngai a ni. Member-ten he Bill pawimawh tak Amendment hi sawihoa min pass-pui ngei pawh ka duh a ni. Ka lawm e.

SPEAKER : Aw le, Minister-in a rawn introduce ta bawk a, tunah chuan kan sawiho ang a, kan pass-pui thei dawn emaw member-ten han sawi leh ila. Minute 5 hun han inpe ila.

Pu R.L. PIANMAWIA : Pu Speaker, vawiina kan Bill Minister-in a han sawi ang khan a rawn chhawpchuak nalh hle mai a, han sawibelh teh vak tur awmin a lang lova. Amaherawhchu, tun aia han tihdanglam leh hret theih nisela, a chhan chu Village Council-ah hian hun rei tak ka awm a, hrechiang ve pawl niin ka in ring a. Tuna Member pathum la awm hi chu a thalo khawpin ka hria a, tunah hian a tak rama chang kan bialah te pawh engemawzat an la awm a, pathum awm tawhna hi chu pahnih an inlungruah hi chuan pakhat kha engmahloah a awm thei a. Tin, a fing thiam deuh an awm chuan mipakhat khan a control vek mai a, a duh lam lam kha a VCP tir thei a.

Tin, corruption chungchangah pawh mi tlemte kuta a awm avang khan a fello khawp mai a, thil thalo a hringchhuak teuh thin a ni. Tin, tun ang hunah hi chuan hmasawna kawng hrang hrang kan Sorkar-ah hian thawh tur alo tam ta a, sum leh pai alo tam ta a, mihring chanvo a lo tam ta a. Khami kilkawitu ber mi pathum lek

khaw khat tana a lo awm kha hnain a chhiat phah a. Tunah pawh hian a dik tak chuan ni za inhlawhna kan tihte pawh a vengtu V/C te an indaihlo va, an veng hneh lova. Hnathawktute pawh khan an thawh thatloh nachhan tam tak pawh hi V/C te indaihlohna avang a ni a. Entirnan, kan khua Darlawn-ah te pawh Sorkar hmasa a Congress sorkar hun laia pakua nih laite pawh khan ka tel a. Khatah kha chuan khawchhung hmasawna tur han tih reng reng hianin chanvo kan insem a, fel fai takin kan kalpui thei a ni.

Sorkar hmasa MNF Sorkar-ah khan lawmman tihpun an tum avang khan Member pathum an paih tlem a, khami atang khan thil diklo, fello tam tak a rawn inirhchhuak a ni. Member paruk tan chuan pakua in fel fai taka enkawl theih kha a enkawl that loh phah zawk ta a ni. Chuvangchuan, hna kha chhiat phahna tam tak a awm a ni. Chutiang chuanin, member 5,7,9 ah emaw tal hian then tawp a. Chumi atang lo chuanin khaw hrang hrang dinhmun han chhut pawh hian tuna kan kallphung fello nia tam takin kan sawi thin corruption-te pawh hi kan titem ang a, kan tiziaawm thei dawn a ni. Khami an lawmman tura sum leh pai ral tur kha tuna kan Minister-in a ngaih belh tur a rawn sawi kha a tam tham lo khawp mai. Chuvangchuanin, kan Mizoram siamthatna tur kawnga a rahbi pawimawh hmasa, Village Council hi kan ngaih pawimawh loh chuan a chung lam hi kan siam tha tak tak dawn chuang lo. A bulthut, a A AW B hmun ber kha kan chin fel loh chuan engti kawng mahin a chung lam khan a tih fel ngawt theih loh a ni. Chuvangin tuna member ruahmanna, rawtna tharah khanin member 3, 5, 7, 9 a lo ni ta a. Tikhanin ti ta ila, member 3 awm ho reng reng kha chu eng kawngah pawh, corruption thilah pawh zalen takin i thlahthlam ang, anni chu lo awm mai mai rawh se, kan tihna ang lek a ni.

Tin, a dang pawh kha han chhut chhoh tak tak chuan hna thawh tur a tam tawh si a, hmasawnaah kan inel nasa si a. A vengtu tur, a kaihruaitu tur ber, a member-te kha indaih lo chung chung kha chuan hna tha kha a chhuak thei lo hrim hrim a. A chhan chu Village Council hi Mizoram pumpuia department khawihthu dinhmunah a ding bawk si a. Department peng hrang hrangin an chhawr leh an mamawh phungbawma an sawm a ni bawk si a. Tih tur an tuk a, tih tur hrang hrang a awm bawk a. Khatah khan khatiang anga tlem thama la tih hi chu fel taw lo hlein ka hria a. Tih belh a'n rawtna lam pawh kha a that viau rualin kha ai khan la duhthawh leh thei ila chuan tun ai hian kan ramah pawh development hna thawh reng reng, VC kaltlanga hna thawh hi a tha zawk ang a. Tin, mipui nun kawng kaihruaina kawngah pawh tun aiin a tha zawngin a kal dawn a, chu chu thil chiang tak niin a hmuh theih a. Chuvang chuan khati zawng khan thahnemngaihna in tihdan kawng a la awm thei lo'm ni? Tun kan rorelna sangah hian tha kan tih tlan chuan thil tih theih mai a ni tho bawk a.

Tin, khami Amendment 2-na han tih te pawh kha a lawmawm hlein ka hria a. Rual kan ban lohna, ban theihna tur kawng remchang tak mai tianga Bill an han buatsaih thei ta mai hi a lawmawm ka ti a. A changtu Minister leh a department te pawh lawmthu hrilh tlak an ni a, lawmthu ka hrilh ni sela. Chuvangin vawiina "The Lushai Hills District (Village Councils) (Amendment) Bill, 2011" a Amendment pahnih tuna rawn rawt chhuah hi a that rual rualin duhtawh lohna lai leh siamthat ni thei sela tia ka'n rawt kha member-te pawhin ngun taka kan ngaihtuah a, heti zawnga lungualna nei turin ti thei ila thain ka hria a, chu chu ka han sawi duh dan a ni e. Pu Speaker, ka lawm e.

Pu B. LALTHLENGLIANA : Pu Speaker, a dang hi chu tha thawkhat viauin ka hria a. Member tihpun chungchang kha chu, tlem lai deuha tihtlakhniama han tihpun thar leh a ni mai a, a tha a. Amaherawh chu Pu Speaker, ka hriatthiamloh lai chu, proposed amendment No. 2-ah khan, Power to collect Property amendment, Property tax kha, helai statement of objection reasons-ah khan, Residential and Commercial property tax a ti a. Residential Tax-ah khan eng ang nge ni dawn, Commercial-ah eng ang nge ni dawn tih kha, a specific a lakna tur kha tu thlan tur nge ni? A rate kha chu government-in a ti ang tih kha a ni a, hei hi village Council a ni a, Aizawl khawpui chhungah Village Council kan nei tawh lova. Aizawl khawpui chhung a miten Property Tax an chawiloh laia thingtlang ami ten an chawi chiam mai tur kha tun hnu atan hian a tha angem tih kha, a property kha eng ang nge an bituk dawn tih kha, kan Minister zahawmtak khan min hrilh thei sela. Thingtlang kilkhawr, harsa tak chung, entirnan Fridge te, Puansuk khawl lo nei thei te, TV te pawh a ni mai thei a. Khang te te atang khan em ni an lak dawn, tih kha ka hrethiam lova. Khalo kha chu a dang han sawisel vak tur ka hre lova, a mam tha viauin ka hria a. Khang lai ka hriatthiamloh lai han zawt pahin ka rawn sawi a ni e.

Pu LALDUHOMA : Pu Speaker, a tha tlangpuiin ka hria a. Amaherawhchu hemi President hi Village Council Fund-ah hian Treasurer an ni nghal tur lai hi chu ka rilru a tibuai deuh hlek a.

Hei, Property Tax kan la dawn ta a, a chair baw ang a, Treasurer a ni baw dawn ta a. Checks and Balance kha a awm dawn lova, sorkar hmasa te kha ang dawn riauin ka hria a. Party President ni baw, Chief Minister ni baw, Treasurer ni baw, pakhata khang zawng zawng a han awm vek mai kha thalovin ka hria a. 3% lak te pawh kha a lo latu kha chuan pawisa a dawn ve leh khan receipt a pe thlap thlap vek a ni. Ani kha chuan a tihdik hmel khawp mai. Mahse a pawisa dawn ang ang kha President ni baw, Chief Minister ni baw hnenah khan a hlan zel kha a ni a. Tun sorkar nen hian in duhdan hi a inangin in lungrual deuh emaw ni dawn ta te ka ti a.

PMGSY kawnglaih chungchang thubuai thehluhte pawh kha tun sorkarin Supreme Court-a a appeal a, han chhan ta vak mai te pawh kha, duh dan hi a lo inang ta mai emaw ni aw ka ti a. Chuvangin helaia President hi, President a ni baw a, a Chair dawn baw a, Treasurer a ni dawn baw a. Hei hi chu checks and balance a awm lo a kal zelna turah khanin mipakhat thuneih bik lutuk awm bik hi chu a tha lova, tunah pawh hian Village Council kan neih laiah hian Treasurer thlante a lo ni a, heti chung pawhin President-in a sum a kaw llat hi chuan Treasurer khan ka lo kaw ve tawh a nge ti ngam mang lo kha an awm a, a hming ringawta Treasurer nih a, sum lampang khawih miah lo V.C te pawh hi an awm nual mai a, kha kha tha lo ka ti a, kei chu Treasurer hi a member-te khan a thlanin thlang se la, theih phei chu nise opposition member tling ve an awm chuan khamite emaw member tute emaw leading citizen han tel ve tur chi angte emaw kha awm se, corruption hi bo se kan ti tak tak anih chuan grass root level-ah hian eirukna hi bo se kan ti tak tak anih chuan khatiang ang khan Treasurer hnan awm sela. Tin pawisa vawngtuah hian Village Council Secretary hman a ni ngawt tur pawh hi a la fel taw ka ti lova, Financial Secretary tur pawh hi thlang leh sela, a chhan chu V.C. Secretary chu appointed a ni a, VCP in a duh hun hunah a ban thei a ni a, a huai ngai dawn lo a ni. Sum an khawih dawn si a khaw tinah hian ka buaina chu Opposition-te phunnawina chu

Ruling-a V.C.P emaw khatiangina sum an khawih bik lutuk a ni a, Ruling rau rau pawh a Ruling Opposition-ho phunnawina pawh chu tho chu a ni.

Chuvangin thil hi dik deuh se kan duh anih chuan thuneihna hi in check tawn se la collective deuh hlek khan kal sela, mipakhat han che fal vak tur kha dang bet ila a system hi a tha a, a kalphung hian inphuar ila tih duh ngawih ngawih pawh khan a tihhleihtheih lohna system hi pe ila, tichuanin mi tha lo pawh an tha mai a ni. Chumi anih avang chuan thil tha duhna thilah President-in Treasurer hna a khawih tel tur hi chu a tha lo mange aw ka ti a, grant dang an dawn erawhah te hi chuan Treasurer hran an nei thei ang tih a ni a, khami anih rau rau kha chuan sorkar atanga grant an dawn zawng zawng a ni emaw Village Council Fund property tax atanga an lak sawk khawm emaw anih chuan treasurer kha a hranin awm mai sela, President hi chu Chair mai sela, a hnuaiyah tho an thawk dawn a, nakinah a tak takin han ti ilangin, a tu pawhin Village Level-ah khan sorkarna lo la ila kan President, Treasurer ni bawk, a sum kawl bawk a kha thlemna lo do zo lovin a thiante, thawhpuite mittlung lo pawhin lo awm ta pawh ni sela, pawl khan party khan, a tuar leh a, pawl kan tih tur tho tho kha a ni.

Hei vang hian V.C. lakna khuaah chuan V.C hi kan tangkaipui lova, kan chhiat phah zawk fo a thlenna pawh hi a ni ve flat a ni. Chuvang chuan grass root level-a rorelna hi a dik phawt a ngai a, sum hi a tam tual tual ta si a, khalai kha tihthat leh theih anih chuan ngaihtuah zui atan sorkarten an rilruah pawh nei sela ka duh a.

Tin, a tawp nana ka sawi duh chu general takin, Dan kan han siam reng reng hian Indian Constitution kalh a ni ang, challengeable a ni ang tih ang chi ngaihtuahna hi ka duh aiin kan thupui a. 13th Finance Commission te, Central Scheme eng eng emaw te a lo awm a. Heng hian State tinah uniformly-in hma an la a. Bengal Eastern Frontier Act BEFR 1871 Section 7 in hnamdang reng rengin kan ramah hian sumdawanna an khawih a thiang lo va. Chu dan chu keini chuan kan la nei a, a la nung a ni tih hi khang ho khan an hre reng reng lo. Article 371 G Special Provision kan nei a ni tih pawh an ngaihtuah lem lo. Village Council chungchangah hian 6th Schedule hnuaiyah kan awm daih a ni tih pawh hi an ngaihtuah lem lo. Uniform deuh mai hian min rawn hrut ringawt mai a.

Chuvangin, Dan thar kan han siam dawn a, khu lama an hman copy a, khata tanga rawn draft chhoh a, heta putlul leh ringawt thin hi, chutiang chuan hei hi in rawn ti a ka tihna lam ni lovin. Keini kan danglam bikna leh State guard special taka kan neihna bik hi keini ho hian kan hriat loh chuan a tha lovang. A hre lo hovin min rawn impose an tum anih pawhin, hetiang hi keini chu kan danglamna a ni a, in rawn ti ngawt thei lo a nia ti a beng harh tur kan ni tih hi inhriain, kan ram milin kan right neih hi hre chiangin, hlut ilangin, chutiang anga thil hi Village Council-ah te pawh 13th Finance Commission emaw, 14th pawh a lo awm leh ang a. State zawng zawnga an tih dan theuhin an ti ang a, 6th Schedule hnuai amite chu kan danglam a ni tih ngaihtuah chiang miah lo te hian min rawn hrut hi an tum fo mai thei a. Khang lakah khan keini zawng hetia a nawlpui zinga hnawl chi hi kan ni lo a nia. Hetiang deuh hian a hranpa a awp kan ni a tih te hi keimahni hian kan hriat a, kha mi phenah khan inhumhimna chang kan hriat hrim hrim hi general takin kan hriat a tulin ka hria a, ka'n sawilang tel duh a ni e. Ka lawm e.

SPEAKER : Tunge sawi leh dawn? Pu R. Lalrinawma i lo sawm ang.

Pu R. LALRINAWMA : Pu Speaker, tawite in Amendment Bill han support ve ka duh a. A lawmawm hlein ka hria a. Kan Minister zahawmtakin kan village level, grass root level democracy roelna changtlunna tura member tihpunna turte leh Village Council-te thuneihna pekbelhna tur Amendment a rawn buatsaih hi a lawmawm a. Tin, he House-a kan beisei thin ang tak maiin hei a hma-a a existing law te nen a compare na te a rawn ti thlap mai a. Hengte hi a lawmawm a, fak tlak niin ka hria a. Dan dangah pawh hian Dan thar anih loh a, Amendment turah chuan tih thin ni sela a duhawm hle mai a. A fel thlap mai a. Tin a Act pumpui, a dan kan hman lai pumpui kha min rawn pe tel vek bawk a. Heng hian min tibengvarin, Legislator-te tan awlsamna nasa tak min siam a, a lawmawm hle-in ka hria a. A changtu Minister leh Department-te chungah lawmthu ka'n sawi nghal ni sela.

Tin, Section 15-ah khan a existing provision kan lo hman mekah khan tuna member zahawmtak, i veilama miin a rawn sawichhuah kha kan lo hman mek tawh reng a ni, tun amendment-in a rawn tih thar a ni lova, President shall be treasurer of the fund a tih kha kan existing Act-ah pawh khan lo awm mek a ni a. Tun amendment-in a rawn tum chauh erawh chu Section 15 clause (2) rawn belh a, sub section 2 a rawn ni tawh ang a, 'Power to collect property tax' tih chiah chauh kha a rawn belh a ni mai a tun amendment chuan. A hmaa existing provision kha 'The President shall be the treasurer of the fund' tih kha chu a ngai reng tun amendment-in a rawn tih thar thut a ni lo a ni tih kha han sawilan ve ka duh a. Tin, hetah proviso a awm a 'provided that Village Council may appoint a treasurer among the members' a ti a, hemi provision hi a awm tho mai a. Tuna kan kalphungah hian kan dan hman mekah President hi Treasurer a ni ang tih ni mahsela, treasurer hi an lo thlang vein an lo inruat ve na a, V/C thenkhatah hi chuan treasurer-ten pawisa an kawl chuanglo tihte pawh hi a awm nawk nawk mai a, dan hi a nihna anga kan hman hi a pawimawh hle mai a. Treasurer-te hi chu hei dan hian ruat theihna, a existing provision-ah pawh a awm a, tuna proposed amendment-ah pawh hian a awm tho a ni.

Tin, khawpui chhung nilo thingtlangin tax lo chawi bik tih kha 13th Finance Commission-ten a sum ruahman hnuah chhuah nana condition a rawn tuk ang a V/C te power pek belh a ni mai a. LAD atangin khawpui chhunga Local Council-te pawhin an hmang ve ang han tih ngawt theih a ni silova, Department hrang a lo ni si a. Helaiiah pawh a tul anih chuan Municipal huamchhunga hman turin an rawn siam ve mai turah ngai ila. Amaherawhchu a tul lo mai thei bawk a. He dan tha tak amendment tul tak Minister zahawmtakin a rawn pulut hi a lawmawm a, pass-pui ngei turin ka rawn support a ni e, ka lawm e.

Pu K. LIANTLINGA : Pu Speaker, ka lawm e. Tuna kan dan hi hetah Principal Act 15-naah khan a awm a, tah hian proviso a awm tho a. A pawimawh zawk chu hemi clause (2) a rawn tih naah hian proviso a dah a, heta mi tho a Principal Act-ah a rawn dah chhuak leh ringawt a, he Principal Act hi amendment tel chi zawk a ni a. Tin, fund chi hrang hrang kha kawl hran theihna dan neih ringawt mai pawh kha thildik a nilo a. Chuvang chuan dan hi zir chian a ngai a. Tunah hian Treasurer-in ka kawl dawn ti sela a right a ni a, among the Members atangin an elect a ni. Amaherawhchu hetah hian a Principal Act-ah hianin President hian ka kawl tur a ni ti sela khatiang ang khan thil awm thei a ni a. Chuvang chuan hetilaiiah hian a pawimawh zawk chu 15(1) a mi hi paih sela 15(1) leh (2) ah hian proviso-ah hian Treasurer kha anmahni zinga thlan kha ni mai sela. V/C fund a ni emaw, Property Tax a ni emaw kha then hran vak kha thil tul ber a ni lem lova a lan avang khan.

Tin, anmahniah pawh inhriatthiam lohna awm thei a ni, President kawl chin, Treasurer kawl chin tih ang chi awm kha. Chuvang chuan hemi amendment an siam dawn lai hian ngun taka zirchian ngai zawk niin alangin ka hria a. Tin, proper defect han tih lai pawh hi thil thar a ni a, hemi definition-ah pawh hianin han dah tel ve hrim hrim sela, proper defect chu enge ni a nih a? engtinng a khawn dan tur lai te pawh kha han telh ve awm tak ania, thil thar introduce anih chuan khalaite pawh kha ngun taka ngaihtuah a ngaiin ka hria a. A Principal Act-a a awm avang khan hetilai amendment siamnaah hian a tibuai zawk mah mah a ni. A Principal Act hi hemi tih pah hian amendment hi siam sela, chutiang zawk tur chu a ni a, a famkim deuh hleka tih hi a tha a. A chhan chu Dan hi tlawhchhana han intih chuanin inhniah theih tak mai a ni zel mai a. Tunhma deuh pawh khan Village Council President-te kha ban theih miah loh an ni ringawt mai a ni. A ban theihna dan kha a awm tlat lo mai a, khatiangte pawh kha siamthat a ni a.

Tin, he Treasurer lo awmna chhan hi ka hriatsual anih loh chuan Pu Aichhinga, MNF Minister-in LAD a chanlai khan 1988 a niin ka hria, chulai chuan Mizoramah khan Village Council reng reng mai kha an buai vek, President leh a te lam. A chhan chu a pawisa kha President-in a khawih tlat thin avangin harsatna a awm a. Chumi chuanin he proviso hi an dah niin ka hria a, ka hriatsual loh chuan Pu Speaker. Chutianga Village Council Administration alo that zawkna tur atante a ruahmanna siam a ni. A hma chuan hetah proviso awmlo hianin a kal mai thin a,hei pawh hi hemi amendment emaw proviso an belh hian an lo tikimlo niin ka zuk hria a, khavang khanin, helai hi chu uluk taka ennawn leh a, siamthat chi a ni a, tun tumah hianin pass ila, a sual chu ka tichuang lovang. Amaherawhchu, amendment hi arang thei ang bera siamleh ngai chi nite pawhin a lang a. Hetianga Treasurer 2 awm thei anga han dah ringawtte kha insualtir ang tih ang deuh chauh a ni. Member-te kha an inkaithe thei a ni. Pakhatin property? a kawla anga, pakhatin council fund a kawla anga. Khatiang anga inthen hranga tilo khan Treasurer chu Treasurer ni mai sela, President chu President ni mai sela, tin, sanctioning authority a ni tho a, thuneihna engkim neitu anih tho avang khanin thuneihna han insemaw laia inchawhpawlh lutuk loh deuh kha a tha lawm ni. Amaherawhchu, thil hi chu siamthat zel theih a ni a, helaiah hian kan Minister pawh khan ngun lehzualin en a ngaiin ka hria. Tin, Dan siam dawn hian ka zuk thlirnaah chuan Pu Speaker, kan Minister-te hian kaldan tur Principle pangngai tak an neih a, chuta tanga an officer ten emaw a draft-tuten an rawn siam atangin hei chu ka duh dan a nilo, hei chu ka duhdan a ni, heti zawng hian kal rawh se tia, ngaihtuahna kha Minister-te pawn an lo hnialthlak thiam kha ngaiin ka hria. A chhan chu, helaiah kan ramah administration zawng zawngte enin harsatna kan tawhte a grass root atanga thlira khami atana ram kaihhraina leh mipui tana tha ber tur ngaihtuahin Act lo piang turte, Rules lo piang turte pawh hi an kalpui thain ka hria a, chuvang chuan, tun aia bihchian lehzuai hi ava ngai em tih kha ka sawi ve duh a ni e, Pu Speaker, ka lawm e.

SPEAKER : Sawi leh tur kan awm em? kan awm tawh rih lo maw, awle Pu T.T. Zothansanga.

Pu T.T. ZOTHANSANGA : Pu Speaker, ka lawm e. Hei dan siam leh sangha zawrh hi inan deuhna a awm a, han thlek han thlek hi chuan tlema uih lai deuh hi a awm ziah thin an ti. Nichina kan han pass takte pawh kha a uih lai pawh hi a uih lai hre chungka kan hawn hi chuan kan ei lo nge nge tho a ni an ti a, tuna

kan dan siamte pawh hi a tha khawp mai a. 13th Finance Commission-in a rawn ruahmanna dan ang zulzuiin kan hotuten ruahmanna fel tak an rawn nei a ni.

Kan term hmasaah khan kan VC te kha inkawp kim an tam khawp mai a, khinglai kan bial lamahte phei kha chuan khami kan han sorkar tir Pu Thawla ten sorkar an han chhanchhuak kha a ni bawk a, majority kha kan han in ring lo deuh bawk a, khami avang khan hmun tam takah VC kha a inzat kan nei a ni. Tahchuan, kum khat pawh a tlin hmam a ruling khan min lem zo deuh vek a ni, khami remchang kha an siam em ni aw tih palh mai kha awl tak a ni a, kan in draw-na hmun apiangah min lem zova, kan in draw lohna hmun leh opposition lam ho kan han sorkar vena hmunah erawh kha chuan welfare society an siam a, VC aiin an ring deuh vek mai kha a ni a, fund pawh an kutah khan an dah thin a. Khatiang ang boruak tunah an ri ta lo hrim hrim kha a lawmawm hranpa ve kan ti reng a. Opposition kan han chak thinna em emah pawh kan ral ri ai zel mai a ni, khatiang ang inlem zawhna dan ang kha awm tawh lo se ti a hetiang ang a tam zawk ruahmanna kan LAD Minister-in a rawn ti chho hi a lawmawm ka ti khawp mai a.

Tin, India ram hianin decentralization of powers hi chu a pianhmang hi a ni ve hrim hrim. Thingtlangah power tam zawk sela. Thil rit tak zawn ang hi kan ni a, a zawntu hi han tam phawt mai sela kan zo nge nge a ni tih ang deuh hlek khanin tunah hian kan Minister pawh hian a rawn ruahman niin ka hria a. Tin, tunah ka hmaa thu rawn sawitu Member zahawmtak Pu Tlinga'n a rawn sawi kha, a Treasurer kha kan ngaihtuahnaah chuan thil pakhat a awm a. Thingtlang hmun bialtute in ni ve lem lova, thingtlang bialah hian kan treasurer tam tak hi chu kan nawi ve angreng a, kan chhangchhe tlangpui a ni, eng party pawh ni ila. Chuvang chuan, a sum lut zawng zawng, a property tax-te nena engkim mai han ti tur kha chuan mi fit lo tam tak kha a awm ve theih dawn a, chuvangin, an kaldan phung pangngai kha chu tidanglam chuang lovin he property tax an tih hranpa erawh hi chu State sorkarin a enkawl tur leh a enzui zel tur anih avangin VCP-in kawl sela tih deuh maina kha a nih avangin, heta a development fund zawng zawng erawh kha chu VC Treasurer kutah a awm dawn a ni. Mi chhangchhe tak kuta a sum hlawmpui han dah mai kha, 13th Finance Commission-ah hian sum a tam tawh nasa mai si a, chuvang chuan a in contrast lovang tih ka ring a, division of labour an tih ang deuh hlekin hemi division of responsibility, an receipt pawh kha chumi head atanga lo kal chu chumi chuan a dawng ang tih kha fel thlarhin a awm dawn a, kan VC pangngai Treasurer-in a kawl kha chu VC khan sitting-ah a endik thin dawn a ni a. Amaherawhchu, hemi property tax atanga rawn lut hrim hrim kha chu State Government kutah a awm dawn a ni, "in sual tir ang tihna a ni" tih ang deuh khan an rawn sawi a, an in sual em lo turah ngai ila a chhan chu an mawhphurhna kha a hrang sa vek a ni,rule a ni lo power kan pe dawn alawm khalai te kha an duh leh an rawn sawi leh tho ang a.

Tin, Pu Speaker, nichin khan a duh duh kha an rawn ding ringawt mai a, minute 10 te kha an rawn sawi a, khangte kha ka rilruah a awm deuhva han sawi ve teuhte pawh kha a chakawm thin. Kan dan hi a tha khawp mai a, thingtlangah power kan pe tam dawn tihna a ni ta a, a financial implication-ah pawh khanin nuai 11 emaw lek kha a rawn ni a, lek han ti mai ila tawng mawilo nilo sela, hetah kan

Minister zahawmtakin, (aw, rampum ngaihtuahin nuai 11 kha chu a tam hran lova.) tlema tax kan han tihpun dan tur ruahmanna tha tak mai a rawn chhawpchuak vek mai bawk si a, chuvang chuan kei chu a tha ka ti khawp mai a. Zokhaw lam mite min duhsakna a langin kan hria a. Tunhmaa a thei apiangin thingtlang khawpui atanga kan han tham bet ang kha a reh tawh dawnin ka hria a, hetiangka kawng zau tak Zokhaw lam mite tan, a rethei zual leh harsa zualte tana min hawnsak hi a tha ka ti a, chuvangin kan bill hi lawm takin ka rawn support a ni.

SPEAKER : Sawi tur kan awm tawh loh chuan Minister kan ko anga, rawn wind-up selangin, pass rawn dil mai selangin a tha awm e. Amaherawhchu, kan han sawi kan han sawi a, a pawisa lai khawih deuh lai kha chu kan za deuh lai zel a, treasurer laih zela kha. Awle, han wind-up teh se.

Pu P.C. LALTHANLIANA, MINISTER : Pu Speaker ka lawm e. Kan member-ten kan bill amendment tur han putluh te thahnemngai takin kan sawi a, a thatna laite leh thil kan amend chiah loh subject lama thahnemngaihna a han sawi rik te pawh kan nei tel a. Engpawhnise, a tlangpuiin kan bill a support zawnga sawi kan ni deuh tlangpui a, kan sawidan ki a inang lo deuh mai niin ka hria a.

Kan vengka school pakhat committee-in school tan chair lei an rawt a committee-ah, pakhatin folding chair i lei ang u a ti a, pakhat a lo ding leh a folding chair kan lei dawn rau rau chuan a kawihthleh theih ngei i lei ang u a tia, tiang deuh chu ni maiin ka hria a, kan han sawi pawh khanin a thahnemngai deuhvin a folding chair baka kawihthleh theih ngei anih loh an hlau ang deuh a ni mai a. Chuvangin kan bill-ah harsatna em em a awm lova lawmawm ka ti khawp mai.

Pu Speaker, a dik khawp mai a kan village level rorelna hi, keima mimal tak pawhin ka vei a. Nichina kan MLA zahawmtak Pu Piana sawi ang khan a tlem ber, a minimum-ah te hian member 5 te hi ni thei sela rorelna a zahawm bakah sum leh paiah hlemhletna a tibo anga, pahnih khat inkawpina khawtlang sum a sing tel an khawih thin hi a buaithlak khawp mai a tihte hi ka rilruah a awm a. Amaherawhchu, kan Village Council, Zorama kan inpek dan ngaihtuah hian kan Danah In chuti zat an ni tur a ni tih hi engmah a lo awm lem lova, a ti thei fain an hmu a an hmu lo a ni mai a. In 30 khua pawh hi kan nei nual mai a ni, In 50 hnuailam nei hi an tam em em mai a, chung tana minimum 5 nise han tih ngawt kha chuan a rem chiah lohna lai te pawh tam tak a awm a, roreltu tam hian rorelna dik leh fel chu a kalpui ang tih chu kan ring a ni. Amaherawhchu, chuti chung chungka kan theih dan tawk sorkar sum leh pai neih dan mil tawk te kan senso dan turte ngaihtuah chungin waviin ami hi a tam lam dante kan han chhawpchuak a ni.

Tin, Treasurer chungchang hi Pu Speaker, kan Village Council dan hi ka'n sawi duh chu nichina Speaker zahawmtakin a han sawi ang deuh khan Lushai Hills tihte kha a la nia. Hei hi repeal tawp a, tihthat tawh a hun dante, tunlai bill hi a tam zia chu kan member te a hrechiang tute in nih kan ring a. Department lamte nen pawh hman deuh khan kan han zir chiang chu V/C desolve hianin tupawh charge la turin a ruat theih ang

tih kha a ni mai a. 1953 ah kha chuan mi kha vengva deuh kha an tlem pawh a ni maithei a, sorkar hnathawk tupawh kha a ruat theih a, unit president pawh kha congress khan a ruat thei a ni mai a, tun ang kan danah chuan, mahse tupawh ruat theih a ni han tih ngawt mai te kha a diklo em em a. Chuvang chuan tunlai hian kan bei nasa a, a thalo laite siamthat ngai lai te, tin, engmah V/C member ni tura office of profit a engmah bar a awm loh dan te, M/R pawh V/C an rawn nih theih mai dan te khatiang tam tak kha a awm a, a famkim lo a ni. Member-te thahnemngaihna han sawi tam tak kha a dik a ni. Treasurer pawh hi hetiang hian kan han kalpui dan a ni a, amaherawhchu tunah hian a tak hian V/C a Treasurer, sum kawl lohna V/C hi chu a tam lutukin ka ring lova. Kan han hriat chin hi chu V/C hi inkaihhruaina dan a siam a, Treasurer-in sum a kawl ngei tur a ni tih a ni a, chutianga kawl lo khua an awm chuan a chhan leh a vang felfai takin zawta chutiang hunah chuan nichina Member thenkhat sawi ang khan. A V/C member atanga thlan pawh ni sela, mihring theuh mai hi kan lo ni a, an lo fel famkim lo ve fo mai a, Treasurer-te pawh sum tichingpen deuh te khatiang an awm a, chung avanga VCP-ina khai ta lawp khua te pawh an awm a ni. A chhan leh a vang awm hauh lo chuan V/C Treasurer-tena sum an kawl loh ngawt hi a dik kan ti lova. Tin, V/C thenkhat buainaah hi chuan NREGS hian guideline hran a nei a, V/C Treasurer hian pawisa NREGS sum hi an kawl tur a ni miah lova, a awm anih chuan Treasurer hranin an kawl tur a ni daih mai a ni. Chu chu khaw thenkhatah hian V/C Treasurer hian kawl te an lo tum thin a. A dan ang taka kal chuan a hran an thlan khan a kawl a ngai a. Amaherawhchu V/C tamtakah chuan Treasurer pangngaita pawh an ring a ni mai tur a ni. Tin, helai property tax khawn dan turte leh a khawn awm chi kha chu state sorkarin tul leh tha a tih anga a ruat leh a siam tur kha a ni mai a.

Pu Speaker, vawiinah hian V/C ten right nei ve sela, hetiang khawn theihna hi tih mai a ni a. Chhiah hi mipuiin pe sela, tax hi kan ti reng reng lo, kan danah hian kan hriat chian a thain ka hria a. Amaherawhchu V/C local body te khatiang tih theihna right kha kan lo pek ve hi a tha a, tin, Mizoram chu Village Council angin ti hian kan kal a, India ram pumah Panchayati Raj system te an ti a. Panchayati Raj Ministry pawh hian Panchayati Raj nena inmil deuha Mizoram te pawh kal turin suggestion tam tak a rawn siam a, amaherawhchu tam tak hi chu kan duh lova, kan Home Minister zahawmtak office chamber-ah pawh central lam hotute nen pawh kan sawiho tawh a. 3 km a hla khua an nih chuan V/C hran pe vek rawh u, tih te khatiang ang chi te tin, V/C khat hnuaiah pawh a ward-in then ve ula, ward aiawh angin thlang rawh u, tih te a tam em em a ni. Amaherawhchu chungte pawh chu kan inhnial a, an duh ang zawng zawnga kal hi chu kan tum lova, keimahni Mizo rilrem zawng leh kan local rilrem a ni. Amaherawhchu thenkhatah erawh chuan a dawthleng atana sum leh pai tam zawk kan lo hai luhna tur atana kan tih ve tul angte a lo ni a. Khang ang kha kan tih ve alo tul thin a ni. Pu Speaker, vawiinah kan Village Council Dan a kan Village Council Member neih dante tihdanglam kan rawtna te leh Village Council-te thuneihna sang zawk, tam zawk chhiah thleng pawha khawn ve theihna right an neihna tura kan Amendment-na te Member-ten thahnemngai taka kan sawihonaah lawmthu ka sawi a. He House zahawmtak hian he kan Amendment Bill, 2011 hi min pass pui turin ka rawn sawm e.

SPEAKER : Awle, Minister-in a rawn wind-up a, Amendment Bill pass a rawn dil a. Kan Dan angin kan han buk ang a, 'Remti' apiangin 'Remti' ti'ru le. (Member : Remti). Remti lo kan awm chuan 'Remti lo' ti'ru le. Awm lo maw.Awle, "The

Lushai Hills District Village Council (Amendment) Bill, 2011” hi House-in lungrual takin a pass ta a ni.

Awle, vawiina kan business chu kan lo zo ta a, kan chawl tawh ang a, naktuk ni 14. 12. 2011, Nilaini, chawhma dar 10:30-ah kan thukhawm leh ang.

Sitting is Adjourned at 3:30 P.M.